



方輿紀要簡覽

二

ル 5
1014
2






江南方輿紀要原序

以東南之形勢而能與天下相權衡者江南而已春秋時勾
 吳實雄長於東南以兵威破楚臣越敗齊項羽率會稽子弟
 渡江而西一戰而斬李由再戰而降章邯鉅鹿之戰大破秦
 兵當是時微楚兵虎狼之秦且復振項羽劉季並起於東南
 季成而羽敗要皆力足以亡秦者也或謂吳越之人剽輕而
 脆弱然楚漢用之而強晉南渡以後北府之兵常為天下雄
 則兵非不可用也且夫曹操之用兵彷彿孫吳赤壁之役狼
 狽北還而後知江東未可與爭苻堅以百萬之眾長驅而南
 肥水一戰風聲鶴唳皆為晉兵堅雖不亡於晉而已亡於伐

晉之日矣朱全忠之強橫不能得志於楊行密周世宗攻壽州三年而後克之宋於奔亡之餘立國江沱江中之戰大儀之戰順昌之戰拓臯之戰金人且惴惴焉晉之取吳也用兵三十萬而所出之道六隋之取陳也用兵五十萬而所出之道八宋之取江南也用兵十萬而所出之道一蒙古之取宋也用兵十五萬而所出之道二蓋吳與陳皆濱江設險利在多其途以分其勢南唐有吳越以撓其東南而上流之勢復入於宋一軍自荆南東下而破竹之形成矣元人用全力以取襄樊宋之藩籬旣已摧壞但遣偏師掣淮南之援而以重兵沿江直入宋人已在掌握中矣此時勢各殊之故也六朝



都建康強藩巨鎮往往自荆襄江郢構壘稱兵爲建康禍則上游畸重之勢也蓋以敵在淮南而長江之險吾與敵共敵在上游而長江之險乃制之於敵矣雖然淮南亦未可輕也人亦有言欲固東南者必爭江漢欲通中原者必得淮泗有江漢而無淮泗國必弱有淮泗而無江漢之上游國必危孫氏東不得廣陵西不得合肥故終吳之世不能與魏人相遇於中原東晉以彭城壽陽爲重鎮故桓溫劉裕得以再問中原繼東晉而起者其時之盛衰大約以淮南北之存亡爲斷楊行密起於淮南兼有江南北數十州於羣雄中最爲強盛李氏失淮南而國以弱未幾而國以亡矣明初規畫畿輔跨

江踰淮幅員最廣夫亦保江者不在江南保淮者不在淮南
之意乎蓋彭城邳泗北連青齊西道梁宋南與北形援相及
呼吸相聞自古及今要會之處也



江蘇全圖

江甯府	高淳	江浦	句容	溧水	揚州府	儀徵	甘泉
豐臺	東臺	清江浦	清河	阜甯	鹽城	高郵	銅山
泗陽	宿遷	淮安府	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山
清河	泗陽	清河	清河	阜甯	鹽城	高郵	銅山



方輿紀要簡覽卷二

崑山顧祖禹景范原本

江甯潘鐸木君輯錄

江南一

禹貢淮海惟揚州周禮職方東南曰揚州春秋時為吳地其在天文斗則吳之分野亦兼魯宋之疆

邳泗以北故魯地徐州則宋地也在禹貢

為徐州之域越滅吳并其地戰國時為楚地秦始皇兼天下為九

江鄆郡會稽及泗水郡地項羽都彭城亦為楚地漢初為吳

楚淮南諸國之境武帝置十三州此為揚州而淮北則屬於

徐州後漢因之三國魏跨有淮南亦置揚州

治壽春

而江南為

吳地晉亦置揚州

初治壽春平吳後治建鄴

渡江後揚州遂為王畿

時僑置州

郡參錯 劉宋僑置南徐南兖南豫諸州 南徐治京口南兖治廣陵南豫治歷陽

而揚州如故蕭齊復增置豫州青州冀州及北兖北徐諸州

梁初因之其後分裂益多陳初自江以北沒於高齊後雖復

取淮南而不能有也唐貞觀中分天下為十道此為江南及

淮南道開元中又分江南為東西道 東道治蘇州西道治洪州 唐末屬於

楊行密 而吳郡屬吳越 後為李昇所據宋置淮南江南及兩浙路

渡江以後又分兩浙置浙西路元置浙江行省於杭州河南

行省於汴梁而江淮南北地分屬焉明初定鼎於金陵為都

會正統六年始為陪都 本朝為江蘇省 以江揚淮徐四府海通二州隸

江甯布政司蘇松常鎮四府大倉州隸江蘇布政司 安徽省 以安徽甯池太廬鳳穎八府滁和廣六泗五州隸之

東濱海

自淮安府東北接山東膠州界松江府東南接浙江海鹽

縣界幾千二百里皆海濱也而淮安之安東為淮河入海

之口揚州之海門為大江入海之口蘇州之崇明則孤懸

海中為江口扞蔽誠東南之險矣

南據五湖

五湖即太湖也與浙江湖州府分界

西接梁楚

自徐亳穎壽以西則楚地也 楚地壽州

北有淮甸

邳徐之境皆跨淮北上接山東所以聯絡中原翼蔽肩背也

其名山則有鍾山

鍾山在江甯府城東北朝陽門外一名蔣山亦曰金陵山

亦曰北山一名紫金山山周回六十里高百五十餘丈負

北面南其東則達青龍鴈門諸山北連雉亭山青龍山在

城東南三十五里鴈門山則在城東南六十齊崔慧景自

京口向建康拔竹里見句容縣萬副兒因說慧景曰今平路皆

為臺軍所斷不可議進惟宜從蔣山龍尾上出其不意耳

從之分遣千餘人魚貫緣山自西巖夜下鼓叫臨城中臺

軍驚潰遂入北籬門屯樂遊苑宮門閉東府石頭白下諸

城皆潰梁侯景迫臺城邵陵王綸自京口入援營於蔣山

景見之大駭悉送所掠婦女珍貨於石頭具舟欲走綸御

軍無法尋為賊所敗梁末徐嗣徽引齊軍潛至鍾山侯安

都與齊將王敬寶戰於龍尾既而齊師潛踰鍾山陳霸先

分軍頓樂遊苑東及覆舟山北斷其衝要齊師敗却隋賀

若弼自廣陵濟江入京口趨建康分兵斷曲阿之衝而入

進據鍾山乘勝至樂遊苑遂夜燒北掖門入臺城明初敗

元人於方山營進敗元人於蔣山直抵集慶城下遂克之

梁山

梁山有二東梁山一名博望山在太平府西南三十里西梁山在和州南六十里夾江對峙如門之闢亦曰天門山兩山夾江相望數里爲大江之關要晉王濬自武昌順流東下吳張象帥舟師萬人禦之於梁山象望旌而降濬遂直指建業晉王敦桓溫皆自上流移鎮姑熟說者曰奪梁山之險也宋臧質以南郡王義宣叛宋主命柳元景王元謨帥諸將討之進據梁山洲於兩岸築堰月壘水陸待之質至梁山亦夾陳兩岸與官軍相拒義宣至蕪湖質進說曰今若以萬人取南州則梁山中絕萬人綴梁山則元謨必不敢動下官中流鼓棹直趨石頭此上策也義宣不能

用質因西南風急遣兵攻梁山西壘陷之旣而義宣至梁山頓兵西岸遣其將劉諶之與臧質進攻東城爲元謨等所敗齊陳顯達舉兵江州胡松等拒之於梁山守建康者西偏津要梁山其最矣

采石

采石山亦曰采石圻在太平府西北二十五里渡橫江西至和州二十五里東北至江甯府八十五里亦謂之牛渚圻與和州橫江渡對其地突出江中自昔津渡處也後漢孫策渡橫江攻劉繇牛渚營盡得邸閣糧穀戰具晉王濬繇武昌東下畱宿牛渚部分明日前至三山梁侯景攻歷

陽歷陽太守莊鐵以城降說景曰今宜急趣建康若朝廷遣羸兵千人直據采石雖有精甲百萬不能濟矣景遂引兵臨江時羊侃請以二千人急據采石梁主不從侃嘆曰今茲敗矣先是梁主聞景叛遣將軍王質巡江防遏至是陳昕言采石急須重鎮王質水軍輕弱恐不能濟詔卽以昕代質戍采石質去采石而昕猶未下渚景謀知之大喜曰吾事濟矣遂自橫江濟采石襲陷姑熟至慈湖建康震駭陳末隋軍臨江樊毅曰京口采石俱是要地各須銳兵五千金翅二百緣江上下防扞如其不然大事去矣旣而韓擒虎以兵五百人自橫江宵濟采石而陳以亡宋曹彬

敗江南兵於采石磯先是樊若水嘗漁於采石以小舟載絲繩維南岸疾擢至北岸以度江之廣狹遂詣闕請造舟爲梁以濟師繇是大軍長驅如履平地金亮南侵兩淮皆陷遂築臺和州江岸揮兵渡采石爲虞允文所敗古來江南有事從采石渡者十之九從京口渡者十之一蓋以江面狹於瓜洲也

峴山

峴山有二大峴山在和州含山縣東北十三里小峴山在含山縣北二十里小峴在合肥之東大峴在小峴之東六朝都建康自歷陽西趨壽陽自壽陽東向建康大小峴爲

往來之要路而小峴尤為險阨小峴一名昭關兩山峙立為廬壽往來之衝淮南襟要之地也宋王德復和州兀木退屯於昭關德擊敗之三十一年金亮南侵自渦口渡淮守將王權棄廬州退屯昭關又自昭關退保和州淮西大擾金人入濠滁王彥棄昭關走兩淮幾陷昭關之口兩山壁立可以守禦紹興間張浚嘗因山築城置水墮以遏金人蓋形險可恃也其山長二十里水遶山下為往來者必經之處

其大川則有大江

大江自江西九江府彭澤縣流入界江北岸為宿松縣及

望江縣又東北至安慶府城西南江南岸為東流縣以至

池州府城西北經桐城縣境南桐城縣屬安慶府銅陵縣城北銅陵

縣屬池州府而入廬州府無為州界及太平府繁昌縣界自此

益折而東北江西岸為和州東岸為蕪湖縣太平府天門

采石之險在焉又東北經江甯府界江北岸則六合縣江

浦縣以至揚州府之儀徵縣瓜洲鎮江南岸則江甯府以

及句容縣北境至鎮江府京口關與瓜洲南北相對為渡

江之津要自此引而東南岸經丹陽縣常州府境江陰縣

城北又東為蘇州府常熟縣之北境北岸則歷泰興靖江

如臯縣境又東歷通州之狼山與常熟縣福山對境又東

至海門縣入於海

海門縣今埋於海

而靖江則孤懸於江中

靖江縣在

江中本屬江南今城北新沙平澗直接江北泰興縣而江在城南矣

崇明則翼峙於江口此

境內江流之大畧也長江自西陵以至江都五千七百里

疆界雖遠而險要必爭之地不過數處猶人有八尺之軀

靡不受患其護風寒亦數處耳北魏陸叡曰長江浩蕩敵

之巨防也宋吳表臣曰古來都建康者以大江為要會大

江之南上自荆鄂下至常潤不過十郡十郡之間其要不

過七渡上流最緊者三荆南之公安石首

二縣俱屬荆州府

岳之

北津

即府西北三十里之三江口

中流最緊者二鄂之武昌太平之采

石下流最緊者二建康之宣化鎮江之瓜洲宋葉夢得言

建康太平池州緊要隘口江北可濟渡處凡一十九處咸

淳十年汪立信言沿江之守不過七千里若距百里而屯

屯有守將十屯為府府有總督其尤要害處輒三倍其兵

無事則泛舟長江往來游徼有事則東西齊奮戰守並用

互相形援以為聯絡率然之勢此上策也

時宋已失荆襄故濱江之備切

王應麟曰塞建平之口

建平今荆州府歸州

使自三峽者不得下據

武昌之津使自漢水者不得進守采石之險使自合肥者

不得渡據瓜步之衝使自盱眙者不得至此守江之策也

然而機變無方風帆迅疾未可繩以守株之見也

淮河

淮河自河南固始縣而東流入界經潁州南霍邱縣北潁
上縣南又東經壽州北及懷遠縣城南又東經鳳陽府城
及臨淮縣城北又東北經五河縣城東盱眙縣城北泗州
城南又東北至清河縣南合大河又東經淮安府城北及
安東縣城南而入海長淮南北大小羣川無不附淮以達
海者而渦潁汴泗諸水則尤要害所關也南北分疆往往
以長淮爲大江之蔽陳人失淮南遂爲隋人所并唐末楊
行密與朱溫亟戰於淮上溫不能渡淮楊氏遂能以淮南
之境與中原抗五代周取淮南而李氏之亡不旋踵矣宋
王德曰淮者江之蔽也棄淮不守是爲唇亡齒寒金人敗

盟邱密爲兩淮宣撫或勸密棄廬和爲守江計密曰棄淮
則與敵共長江之險吾當與淮南俱存亡耳淮東要害在
清河口淮西要害在渦潁口欲固兩淮先防三口

黃河

黃河自宋神宗時決於澶州合南清河而入淮自是淮北
遂被河患五六百年之間川原故道幾幾盡失其舊矣而
國家漕運又藉黃河以相灌注故補救之法萬緒千端猶
虞無濟今大河在境中者繇河南歸德府永城縣界流經
徐州碭山縣北又東至豐縣南又經沛縣南及蕭縣北至
州城東北而合於泗水蓋奪汴水入泗之舊道也入泗以

後遂奪泗水之經流從呂梁洪而東經邳州宿遷縣之南
桃源縣之北至清河縣而合於淮東注於海并奪淮河之
經流矣

清河

清河卽泗水也亦曰南清河源出山東泗水縣東五十里
之陪尾山四泉並發西流至縣北八里始合爲一又西經
曲阜縣北過兗州府城中至濟甯州城東分流北流入會
通河南流自魚臺縣南入徐州境經沛縣東至州城東北
又東南流過邳州宿遷縣南又東經桃源縣北至淮安清
河縣西北三十里三汊河口分爲大小二清河又南達於

淮謂之清口亦曰泗口亦曰淮口行千一百一十里景帝
三年吳楚七國反周亞夫擊之堅壁昌邑使弓高侯等將
輕騎出淮泗口絕吳楚兵後塞其餉道吳楚糧絕卒以敗
散晉卞敦鎮泗口聞石勒寇彭城下邳退保盱眙淮南大
震魏將尉元嘗言宋人圖淮北必自清泗趨下邳是也陳
吳明徹北伐圍彭城堰泗水灌之周將王軌馳救引兵據
淮口結長圍以鐵鎖貫車輪數百沉之清水以遏陳船歸
路又於兩端築城一旬之間水路斷絕明徹乃決堰乘水
勢退軍冀以入淮至清口水勢漸微舟碍車輪不得過爲
軌所擒朱全忠大舉擊楊行密分遣龐師古等將徐宿宋

滑之兵壁清口將趨揚州或告師古營地污下不可久處
不聽行密拒之於楚州壅淮上流分軍潛渡淮襲之沛軍
倉皇拒戰淮水大至行密濟淮夾擊之斬師古沛軍遂潰
周克唐泗州唐人以戰船赴援泊洞口聞泗州敗沒退保
清口周主命步騎夾南北兩岸而進水軍復自中流追之
大敗唐兵於楚州西北胡文定公曰欲固下流必守淮泗
真氏嘗言淮東要害在清河口是也今大河南徙奪泗流
而合於淮清口當河淮交會之衝形勢至重且國家歲漕
東南數百萬悉由清口而北此誠南北咽喉所係不可一
日忘備矣

肥水

肥水出廬州府西北四十里鷄鳴山北流二十里分爲二
其一東南流過府城東又東南七十餘里而入巢湖其一
西北流二百里至鳳陽府壽州城東北又西流十餘里至
州北入於淮王象之曰古者巢湖水北合於肥河故魏窺
江南則循渦入淮自淮入肥繇肥而趣巢湖與吳人相持
於東關吳人撓魏亦必繇此司馬遷謂合肥壽春受南北
湖蓋此水耳晉苻堅入寇陷壽陽謝元等拒之堅軍逼肥
水而陣元遣使謂秦人願移陣少却使晉兵得渡決勝負
堅欲乘其半渡擊之揮兵使却秦兵一退不可復止元等

引兵渡肥水擊之秦兵大敗齊垣崇祖守壽陽魏人來攻崇祖欲治外城堰肥水以自固議者謂郭大難守且自有肥水以來未嘗堰也崇祖曰若棄外城敵必據之外修樓櫓內築長圍則坐成擒矣乃於外城西北堰肥水堰北築小城周爲深塹使數千人守之魏人力攻小城謀破肥堰崇祖登城決堰下水魏軍皆被漂溺遂退走梁韋叡攻魏合肥案行山川曰汾水可以灌平陽卽此是也乃堰肥水堰成水通舟艦繼至旣而使軍主王懷靜築城於岸以守堰爲魏所拔魏人乘勝至堤下且來鑿堤叡親與之爭魏兵却因築壘於堤以自固又起鬪艦高與城等四面臨之

城遂潰隋唐以來肥水皆爲壽州津要夫廬壽二州爲江淮形勢之地而肥水又爲廬壽戰守之資今水陸變遷肥水故道幾不可問云

睢水

睢水汴水之支流也今自河南開封府陳留縣東北四十里與汴河分流東南流經杞縣北又東經睢州北及甯陵縣之南又東經歸德府城南又東至夏邑永城縣南而入徐州之碭山蕭縣界過縣南又東歷徐州南境宿州北境過靈璧縣北又東出睢寧城北至宿遷縣東南而合於泗水今爲大河經流亦曰睢口亦曰小河口以睢水亦兼小河之名

也楚漢相持滎陽成臯間彭越為漢遊兵度睢水與項聲
薛公戰下邳大破楚軍宋沈攸之攻彭城至焦虛去下邳
五十餘里下邳戍主陳顯達引兵迎攸之至睢清口為魏
將孔伯恭所敗蓋南北交兵睢口常為兵衝矣

涂水

涂水即滁河源出廬州府合肥縣東北七十里廢梁縣界
東流過滁州全椒縣南六十里又東至滁州東南為三汊
河又東入江甯府六合縣為瓦梁河東南流至瓜埠口而
入大江志吳作堂邑涂塘以淹北道堂邑即今六合縣
涂塘即瓦梁堰今
滁州古曰涂中晉伐吳瑯琊王佃出涂中南唐於滁水上

立清流關又立瓦梁堰為東西瓦梁金亮南侵屯重兵滁
河造三牖儲水深數尺虞允文敗金人於采石命別將張
深守滁河口扼大江之衝大抵淮東之地沮澤多而邱陵
少淮西山澤相半無水隔者獨邾城白沙戍入武昌及六
安舒城走南碇二路耳古人多於川澤之地立塘塢以遏
水溉田在孫氏時盡罷縣邑治以屯田都尉魏自劉馥鄧
艾之後大田淮南迄南北朝增飾彌廣今舒州有吳陂堰
廬江有七門堰巢縣有東興塘滁和州六合間有涂塘瓦
梁堰天長有石梁堰高郵有白馬塘揚州有邵伯埭裘塘
屯楚州有石鰲塘射陂洪澤陂淮陰有白水屯盱眙有破

益塘安豐有芍陂固始有茹陂是皆古人屯田過水之迹
其餘不可勝紀大要六安以東有芍陂之險鍾離以東無
非湖濁之地西自皖東至揚則多斷流爲阻故自前世征
役多出東道如吳邗溝魏廣陵周鶴河率資塢水之利南
北所通行也惟廬壽一路陸有東關濡須硤石之阨重以
陂水之艱最爲險要諸葛恪一城東興以遏巢湖而魏之
三將數十萬之眾皆覆沒於堤下則堰水以固圍未爲非
策也

是河

是河亦曰江南河卽隋大業中所開唐宋因之以轉漕東

南宋志運河自秀州杉青閘至平江府盤門在太湖之際
與湖相連而閘門至常州有楓橋新安溪將軍堰皆通太
湖惟五瀉牖通江陰軍河港勢低水易走泄又舊牖損壞
急須修築不獨瀦水可以通舟而無錫晉陵間所有陽湖
亦當積水則四傍之田無旱暵之患矣惟常州至丹陽地
勢高卽雖有奔牛呂城二牖別無湖港可以瀦水自丹陽
至鎮江地形尤高雖有練湖亦淺涸不能濟遠運河淺狹
莫此爲甚濬治所當先也其鎮江牖口亦易淤塞尤宜通
利今自泚江嘉興府北溯流入界逾江浮淮以達於河而
接山東魚臺縣境回環千五百五十餘里供輸數百萬皆

取給於此

洮湖

一名長蕩湖在江甯府溧陽縣北二十里鎮江府金壇縣西南三十里常州府宜興縣西百里虞翻韋昭周處酈道元皆以洮湖為五湖之一也東通太湖中有大坯小坯二山皆水環四面望之若浮亦名浮山俗作巫山巫即浮音石山漢征黥布於淮南布敗走江南漢別將追擊之於洮水南北皆大破之即洮湖矣晉蘇峻既敗蘇逸以萬餘人自延陵湖將入吳興將軍王允之追獲之於溧陽延陵湖或曰亦即洮湖也蓋湖密邇金陵為東南捷徑誠戰守要

地也

太湖

太湖在蘇州府西南三十里常州府東南八十里浙江湖州府北二十八里其濱湖之縣曰吳縣吳江武進無錫宜興烏程長興縱廣三百八十三里周回三萬六千頃或謂之震澤或謂之具區或謂之笠澤或謂之五湖古者水流順道五湖谿徑可分後世蓄泄不時浸淫泛濫五湖并而為一與具區無以辨矣說者曰固五堰以清上源濬三江以清下流則太湖可保百年無事蓋五堰者所以堰金陵宣歙諸水使自蕪湖入江者也五堰始於楊行密本作此為拖船饋糧之計宋人遂

因之以節水入江
今東壩其故址也夫太湖居江浙數郡之中無事時爲財賦所資有事時卽要害所寄也唐李子通爲杜伏威所敗自京口東走太湖收合亡散襲敗沈法興於吳郡遂取其地明初平張士誠亦自宜興出太湖先取其湖州蓋自昔用兵者出奇之地談地利者可不加之意哉

三江

三江皆太湖之委流也一曰松江一曰婁江一曰東江夫三江之通塞係太湖之利病太湖之利病係浙西之豐歉浙西之豐歉係國計之盈縮未可置之度外也然而三江之淺淤非一日矣言治水者皆知水性就下當導之使通

不知治水之法須識潮水之背順地形之高低沙泥之聚散隘口之緩急尋源泝流各得其當然後水可治也

大海

海自蘇松而淮揚上達山東春秋吳徐承帥舟師將自海入齊夫差會晉公午於黃池越王勾踐命范蠡舌庸率師沿海泝淮以絕吳路卽今海道也孫吳遣將軍周賀等乘海至遼東從公孫淵求馬賀還至成山魏將田豫邀擊殺之晉石趙將劉徵率衆數千浮海而南東南諸縣多見殺掠元人資此爲饋運通途明濱海置戍以防倭寇及嘉靖中倭寇突犯蘇松淮揚之間幾無甯宇於是防維益密今

自金山衛而東北爲柘林堡青村所又北爲南匯嘴川沙堡又北爲吳淞江此皆蘇松之喉吭吳淞而南雖有港汊每多砂積賊可登岸兵難泊舟實兼水陸之險於此防禦至爲切要吳淞而北爲劉家河爲七鴉港又東爲崇明縣七鴉而西爲白茅港爲福山又折而西北爲揚舍爲江陰爲靖江又西爲孟河爲圖山此皆江南岸之險舟師備禦之地也江北岸則東起料角嘴大河口以及呂四盧家等場沿楊樹港海門裏河達通州如臯泰州則逼近揚州矣踰海門而北則爲徐步營又北則爲掘港又東北則爲新插港轉而西北則金沙鹽城廟灣劉莊姚家蕩又西北則

蛤蜊麻線等港而至大海口矣賊繇狼山江而西則三江口爲登犯之徑若越海門而北則必犯大海口大海口有水陸路南通廟灣與劉莊姚家蕩俱爲大鎮賊每覬覦若安東海州之東北有大北海不惟道里迂遠且沙磧甚多掘港新插港之東亦有北海沙磧亦多不堪重載爲備稍緩矣海防攷江南之要害四曰金山衛以迫近海塘北接吳淞口也曰吳淞口以蘇松二郡之要害也曰劉家河蘇太倉入犯之徑道也曰白茆港自常熟入犯之要口也江北之要害三曰新港以逼近揚州也曰北海所從以通新插港又有鹽徒聚艘於此也曰廟灣以其爲巨鎮而可通

大海口也明翁大立曰海防惟有三策出海會哨毋使入港此爲上策循塘距守毋使登岸此爲中策出水列陣毋使近城此爲下策不得已而至守城則無策矣

其重險則有東關

東關在廬州府無爲州巢縣東南四十里東北距和州含山縣七十里其地有濡須水水口卽東關也亦謂之柵江口有東西兩關東關之南岸吳築城西關之北岸魏置柵濡須水出巢湖東流出濡須山七寶山之間兩山對峙中有石梁鑿石通流至爲險阻卽東關口也呂蒙守濡須聞曹操欲東下勸權夾水口立塢諸將皆曰上岸擊賊洗足

入船何用塢爲蒙曰兵有利鈍戰無百勝如有邂逅敵步騎蹙人不暇及水其得入船乎權曰善遂作濡須塢亦曰偃月城以形如偃月也魏曹仁以步騎數萬向濡須吳將朱桓拒之諸將以兵少懼不敵桓曰勝負在將不在衆寡兵法稱客倍而主人半者謂俱在平原而士卒勇怯等耳今仁千里步涉士馬罷困桓與諸軍共據高城南臨大江北背山陵以逸待勞爲主制客此百戰百勝之勢也及戰仁果敗去諸葛恪作東興大堤遏巢湖左右結山挾築兩城使全端留畧守之魏遣諸葛誕胡遵來攻東關作浮橋以渡軍於堤上分兵攻兩城城高峻不可拔爲恪所敗魏

軍還橋壞死亡甚衆武侯謂曹操四越巢湖不成者巢湖之水南通大江濡須正扼其衝東西兩關又從而輔翼之餽舟難通故雖有十萬之師未能寇大江也自古倚長江之險者屯兵據要雖在江南而挫敵取勝多在江北故呂蒙築濡須塢而朱桓以偏將却曹仁之全師諸葛恪修東興堤而丁奉以兵三千破胡遵七十萬轉弱爲強形勢然也東關亦曰東興其地高峻險狹易於控禦天下有事誠必爭之地也

按江南以江淮爲險而守江莫如守淮昔人論之詳矣吳據荆揚盡長江所極而有之而壽陽合肥蘄春皆爲魏境吳不敢涉淮以取魏而魏不敢絕江以取吳蓋其輕重強弱足以相攻拒也自古天下裂爲南北其得失皆在淮南晉元帝渡江迄於陳抗對北敵者五代得淮南也楊行密割據迄於李氏不賓中國者三姓得淮南也吳不得淮南而鄧艾理之故吳并於晉陳不得淮南而賀若弼理之故陳并於隋南得淮則足以拒北北得淮則南不可復保矣自古守淮莫難於謝元又莫難於楊行密淝水之役謝元以八千人當苻堅九十萬之衆清口之役楊行密以三萬人當朱全忠八州之師衆寡絕殊而卒以勝者扼淮以拒敵而不延敵以入淮也孫

仲謀以江守江楊行密以淮守淮晉人以淮守江自淮而東以楚泗廣陵爲之表則京口秣陵得以遮蔽自淮而西以壽陽歷陽爲之表則建康姑熟得以遮蔽長江以限南北而長淮又所以蔽長江也周瑜謂捨鞍馬事舟楫非彼所長赤壁之役果有成功至於羊祜之言則以南人所長惟在水戰一入其境則長江非復所用有如瑜者爲用則祜之言謂之不然可也無如瑜者爲用則祜之言不可不察也設險以得人爲本保險以智計爲先人勝險爲上險勝人爲下人與險均纔得中策夫大江以南千里浩邈決欲控扼非戰艦不可大江以北

萬里坦途欲扼長驅非戰車不可至於舒廬滁和良疇百萬併力營田措置軍食此又戰守之先資也

形勢獨勝孫吳建都於此西引荆楚之固東集吳會之粟以曹氏之強而不能為兼并計也諸葛武侯云金陵鍾山龍蟠石頭虎踞帝王之宅王導亦云經營四方此為根本蓋舟車便利則無艱阻之虞田野沃饒則有轉輸之藉金陵在東南言地利者自不能舍此而他及也晉蘇峻入建康郗鑒自廣陵起兵赴難遣間使至尋陽謂温嶠曰或聞賊欲挾天子東入會稽當先立營壘屯據要害既防賊越逸又斷賊糧運然後堅壁清野以待賊賊攻城不下野無所掠東道既斷糧運自絕必覆潰矣嶠從之峻繇此敗故舉天下形勢而言關中為上以東南形勢而言則當以建

康為便自六朝分國南宋偏安夙為都會明初金陵定鼎遂以廓清六合形勢所在亦不可不知也

上元縣 附郭在府治東北本秦秣陵縣地

江甯縣 附郭在府治西南本秦秣陵縣地

秣陵城 在府東南五十里今為秣陵關 建康城 在府治南本秦秣陵縣地本名金陵地勢岡阜連接

石頭城 在府西二里有石頭山山環七連岡改名秣陵 石頭城 府西一百步北緣大江南抵秦

淮吳時悉土塢義熙中始加磚累石因山為城因江為池地形險固奇勢亦謂之石首城孫權緣淮立柵又

於江岸必爭之地築城名曰石頭常以腹心大臣鎮守今石城故基乃揚行密時稍遷近南夾淮帶江以盡地

利其形勢與長干山連接峭立江中繚繞如垣牆清涼寺距石頭里許西望即宣化渡及歷陽諸山也今石頭

城外江漲沙洲十里近城惟溝水一條無復建康當日瀕江之險古今形勢不同戰守之機亦異矣可不知乎

江甯城 在府西南六十里晉分秣陵立臨江縣二年更
 舍等犯建康敗遁温嶠等追之於江甯石勒將石聰寇
 淮南建康大震王導軍於江甯蕭衍東下遣曹景宗等
 進頓江甯李居士自新亭馳至江甯為景宗所敗梁徐
 嗣徽等據石頭與陳霸先戰不勝因往采石迎齊援軍
 將還石頭霸先遣兵詣江甯據要險嗣徽等水步不敢
 進頓於江甯浦口霸先遣侯安都帥水軍襲破之新亭
 去江甯十里江甯故城宋為江甯鎮太平入建康水陸
 之衝也其地去大城岡馬家渡尚遠關係至重王敦蘇
 峻犯建康宋武帝駿梁武帝衍起兵皆屯此明太祖自
 太平取集慶諸軍水陸並集至江甯鎮攻陳兆先營克
 之進圍集慶拔其城
臺城 在今上元縣
冶城 在府西石
 吳冶鑄處六朝時有東越城在府南六里范蠡佐越滅
 西二冶以有罪者配焉
越城 在府南六里范蠡佐越滅
 自于湖遣王含錢鳳奄至江甯南岸段秀乘夜渡水擊
 之大破之於越城齊崔慧景逼臺城蕭懿自小峴入援
 自采石濟江頓越城舉火城中鼓叫稱慶越王城東府
 故基與長干相接憑高下瞰城內為與敵分險處

城 在皇城西安門外清溪橋東南臨淮水晉會稽王道
 牆易以磚甃
西州城 在上元縣治西二里周圍三里今
 陳亡復焚廢
丹陽城 在府西南五十里又西南至太平府八十五里
 日峻知石頭有重戍不敢直下必向小丹陽南道步來
 伏兵邀之峻可擒也不聽既而峻果自小丹陽來宋柳
 元景奉武陵王駿討元凶劼
白下城 在府治北十四里
 以舟艦不堅至丹陽步上
石壘 陶侃討蘇峻李根曰白石峻極險固可容數千
 人賊來攻不克滅賊之衝也侃然之一宿而壘成賊大
 驚侃使庾亮以二千人屯守峻
江乘城 府東北七十里
 帥步騎萬餘四面攻圍不克
 自牛渚進攻秣陵以秣陵險固轉攻江乘桓元作亂劉
 裕討之敗元將吳甫之於江乘齊兵犯建康陳霸先遣
 別將錢明將水軍出江乘擊齊
臨沂城 在上元縣西
 人糧運盡獲其船米齊人大窘
陳霸先 大破齊人於幕
金城 在上元縣北
 府山追奔至臨沂即此
湖熟城 在上元縣

東四十五里孫策渡江破劉繇黨薛禮等於秣陵又破
 繇別將於梅陵轉攻湖熟江乘皆下之進擊劉繇於曲
 阿晉毛寶以蘇峻之亂燒句容湖熟積聚宋改為淳化
 鎮今府東高橋門外二十里有淳化鎮亦曰淳化關其
 地遮蔽句容應接
 京口形勢衝要 **懷德城** 在府北 **白馬城** 在江甯縣北三
 火之所在石頭 **鍾山** 府治東北十五里 **聚寶山** 在府南
 城西南最高處曰雨花臺以梁時僧雲光講經雨
 外稍東岡阜最高處曰雨花臺中蓋其地勢獨高也山
 麓為梅岡或謂之梅陵相傳漢梅銅屯兵處明初改築
 都城雨花臺無復舊觀而報恩塔高聳巍煥可以盡城
 郭川原之勝鳳臺山在府南 **覆舟山** 在府北太平門內
 亦曰鳳臺岡今有鳳臺門 **覆舟山** 形如覆舟因名山
 脈東連鍾山北臨元武湖劉裕討桓元敗其兵於江乘
 進至覆舟山東使羸弱登山張旗幟為疑兵數道並進
 布滿山谷元將 **鷄鳴山** 在覆舟山西南西接落星岡北
 桓謙等皆敗走 **鷄鳴山** 臨棲元塘本名鷄籠山以形似
 名宋元嘉十六年徵廬山隱士雷次宗至建康為開館
 於鷄籠山使聚徒教授明初於山陽立十廟又置渾天

儀於山巔 **賜幕府山** 府西北二十里神策門外周三十
 名欽天山 **幕府山** 里高七十餘丈有五峯相接晉元
 帝過江王導開幕府於此因名魏太武南侵至瓜埠文
 帝登幕府山觀望形勢梁末齊軍犯建康至幕府山霸
 先帥麾下出幕府山縱兵大戰齊師大潰追奔至臨沂
 居人多於此煨石取灰因名石 **大壯觀山** 在府北十八里東接鍾
 康太祖命常遇春伏 **大壯觀山** 在府北十八里東接鍾
 兵於石灰山側即此 **大壯觀山** 在府北十八里東接鍾
 在府北三十五里山周二十五里旁有直 **四望山** 府西
 瀆洞蓋直瀆之水從山麓流入大江也 **四望山** 北十
 里西臨大江南接石頭山連獅子山晉溫嶠伐蘇峻築
 壘於四望磯以逼石頭蓋山下有磯也又馬鞍山亦在
 府西北十里以形似名西臨獅子山 **獅子山** 府西北二十里
 江東接石頭城西江北連獅子山 **獅子山** 亦曰盧龍山周
 回十二里西臨大江明初陳友諒趨建康太祖親總大
 軍駐獅子山友諒犯江東橋轉向龍江至山下登岸立
 柵太祖率諸軍 **臨沂山** 府東北四十里山周三十里北
 大戰友諒敗走 **臨沂山** 接落星山西臨大江府東北三
 十里觀音山北濱大江西引幕府諸山東連臨沂衡陽
 諸山形如錯繡皆懸崖削壁共捍大江真天設之險也

攝山

府東北四十五里山周四十里與衡陽諸山接陳

次克捷是也

攝山形方四府東南四十五里高百

面重嶺似

織亦名繳山方山六丈周二十七里形

如方印一

名天印山齊兵至秣陵陳霸先遣周文育屯

方山以禦

之既而齊人跨淮立橋柵度兵夜至方山進

及倪塘建

土山府東南二十里雁門山府東南六十里周

康震駭

治冷疾東為竹堂山竹堂之西北則白山東

有溫泉能

治冷疾東為竹堂山竹堂之西北則白山東

南則雲穴

諸山岡隴回環皆與鍾山相映帶又湯山在

府東七十

里接雲穴山有湯泉六穴出山下銅山在

在府東南

七十里周十九里昔嘗採銅於此因名牛首

山府南三

十里一名僊窟山亦名天關山元木鑿老鶴

河趣建康

岳飛設伏於牛頭山待之賊敗走山周回

四十七里

高百四十丈其南為祖堂山周四十七里高百

二十七丈

東北有巖山周十五里高七十一丈又府東

南三十五

里三山臨大江晉王濬伐吳順流而下直指

有青龍山

亦曰三山磯周回四里大江衝烈山府西南七

從西來勢

如建瓴而此山突出當其衝烈山府西南七

大江內有小河可泊商旅多停此以避烈風故名慈

姥山府西南百十里一名鼓吹山橫山府西南百二十

二百丈一山產簫管也今日和尚港橫山府東十三里

四面望之皆橫也白土岡陳兵戰於白土岡擒蕭摩

訶於石子岡府南十五里隋韓擒虎自橫江至新林任

此二十里今城南高座落星岡府西北九里陳顯達舉

軍後卽石子岡之地以數千人武帳岡在臺西陵在府東

登落星岡新亭諸軍皆潰還武帳岡在臺西陵在府東

里俗名松陵岡卽鍾山之南麓亦曰孫陵晉卞壺與蘇

峻戰於孫陵敗績東陵在府北覆舟山東麓也白木陂

在東陵之東蘇峻之亂陶侃等討之侃督水軍向石頭

庾亮等自白石南上峻突陳不得入將回趣白木陂馬

躡爲官燕子磯在觀音門西幕府山東有絕壁臨江梯

軍所殺燕子磯在觀音門西幕府山東有絕壁臨江梯

寺對岸相望翻江石壁勢欲飛動大江在府城北二十

者燕子磯也俱爲江濱峻險處動大江在府城北二十

流入境至城西南繞出東北入鎮江府界白慈姥山至
蜀港凡二百餘里一名揚子江魏文帝出廣陵望長江
曰嗟乎此天所以限南北也隋唐以至宋元南北有事
皆以濱江為要地宋王度言大江六渡一曰烈山渡二
曰南浦渡三日龍灣渡四曰東陽渡五日大城堰渡六
曰岡沙渡舊皆與河渡分額歲萬餘緡其後法制寔廢
奸豪因以為厲請更保甲明法禁從之江水東流自武
昌以下漸漸向北蓋南紀諸山所迫陂之勢漸使之
然也至於江寧江流愈北建康當下流都會望陽武
昌皆直南望歷陽壽陽皆直西故建康謂歷陽皖城以
西皆曰江西而江西亦謂建康為江東建康謂采石為
南州京口為北府皆地勢然也江流南北遷徙今昔迥
殊自慈姥浦而東下為鍊刀灣為烈山港有磯突出湍
間名亂石磯又東北即白鷺洲其南岸曰積兒磯上接
江寧浦口下為大勝河白大勝河以東有水數曲口響
水溝燈盞溝上新河中河新河皆瀕江要地其北
岸則芝蔴河穴子河王家套八字溝皆列墩燎望處也
又有洲曰長洲白沙梅子句容秀才火藥等洲皆在江
浦境南岸自下新河而東為草鞋夾其外為道士洲上
有屯駐處曰江心營近南曰護國洲中曰洲自道士洲

直抵北岸為浦子口又東以達於瓜步其濱江諸洲曰
攔江曰工部官洲老洲柳洲趙家洲曰區擔洲洲東為
區擔河其北即滁河口也江流至此亦曰宣化漾有洲
亦名新洲其下為磬山山屹立中流石色白類礬故名
又數里為西溝近黃天蕩為東溝二水自江出皆折而
西與儀真縣接六合江盡此矣南岸中洲曰觀音港
據江而出者曰焦家嘴又東曰觀音山唐家渡袁家河東
口聳石下瞰江水曰燕磯又東曰觀音山唐家渡袁家河東
陽港遂接黃天蕩中洲曰燕磯又東曰觀音山唐家渡袁家河東
潭而東洲渚限隔有斜陂洲上元縣其外為老鴉場自龍
東為天寧洲渚限隔有斜陂洲上元縣其外為老鴉場自龍
雙溝港羅泗港而邪溝尤為津要自此而東遂與鎮江
接此近時江道秦淮水在元縣治東南三里秦淮水
之可記者也秦淮水在元縣治東南三里秦淮水
縣北六十里之華山南流一發溧水縣東南二十里之
東廬山北流合於方山西經府城至石頭城注大江
元武湖亦曰後湖北太平門外一名蔣陵湖一名秣陵湖
流入秦淮春夏水深七尺秋冬四尺灌田百餘頃宋元
嘉名元武齊王敬則舉兵會稽至曲阿詔沈文季屯湖

頭備京口路湖頭即元武湖旁地東接蔣山西巖西抵
 元武湖隄地勢平坦當京口大路梁侯景亂邵陵王
 綸自京口入援臺城既而梁將宋疑降景教之引元武
 舟山及戰為景所敗既而梁將宋疑降景教之引元武
 湖為洪流臺城闕前**婁湖**府東南迎**擔湖**舊志在石頭
 皆為洪流臺城闕前**婁湖**府東南迎**擔湖**舊志在石頭
 謀誅蕭道成衣冠行李塞於湖上因名宋劉秉等
 元縣東六里溪發源鍾山下入秦淮吳赤烏四年鑿東
 渠通北塹以洩元武湖水南接於秦淮透迤十五里名
 曰青溪其接秦淮處有青溪閘口自揚吳城金陵青溪
 遂分而為二在城外者繇城濠達於淮在城內者埋塞
 僅存一線耳晉王敦將沈亮犯建康劉馥敗之於青溪
 蘇峻敗卞壺等於西陵進攻青溪建康因風縱火臺省及
 諸營寺署一時蕩盡長溪**新開河**在府西南陳友諒侵
 欲出東門外有上河稍南五里通大江亦在江東門外
 泊此以避風浪又有中河新河亦在江東門外
 去上新河十里流通大江官司船舫所泊處也皆洪武

初所開又自下新河而東水分三股一引石城橋**新河**
 一引江東橋一白草鞋夾以達於江名三汊河在黃天
 在冶城西南舊名蕃人河今亦謂之新開河河在黃天
 蕩南蘆場內兀術為韓世忠扼於黃天蕩或教之於蘆
 場地鑿大渠二十餘里上接江口出世忠之上兀術從
 之及傍治城西南鑿渠成金人悉趣建康欲越江而北
 為世忠所覺尾擊敗之汪藻云敵於建康抱**靖安河**在
 城北開兩河謂此兩蕃人河也亦作老鶴河儀真八十餘
 里自金陵抵白沙江流曠數百里波濤洶怒其尤者為
 樂官山李家漾至急流濁港口凡十有八處風波至為
 險阻宣和六年發運使盧公得古漕河於靖安鎮之下
 缺口取徑道於青沙夾趨北岸穿垌月港繇港尾越北
 小江入儀真新河抵新城下八十餘里以易大江百有
 五里**運瀆**在元縣治西北三國吳鑿句容中道至
 之險鑿城西南自秦淮北抵倉城以達吳越運船蓋引
 而東北達於苑倉也五代以來久已堙塞今自秦淮
 斗門橋以北近舊內城東合青溪又北折而西從鐵窗

櫛出城者是其故迹也古都城去秦淮既遠其漕運必資舟楫而濠塹亦須灌注故孫吳開運瀆鑿潮溝穿青溪自楊氏依淮為城城之東塹皆通淮水西南邊直瀆江以爲險春夏積雨淮水泛溢城市往往被其害直瀆在府東三十二里源出方山東北流接竹篠河又經直瀆山北達於江晉溫嶠討蘇峻遣王愆期屯軍直瀆係吳時所開也今堙廢竹篠港在府東北三十里晉王恭舉兵京口討王國寶等國寶請於會稽王道子遣兵戍竹里夜遇風班瀆在府北新洲西南劉牢之道子遣兵戍再各散歸班瀆於溧洲既降元乃移屯班瀆即此潮溝大元縣西四里陳霸先與齊兵相持於覆舟山會大困是也查浦在府西南十里大江南岸晉蘇峻之亂五代時廢查浦陶侃入援屯於查浦又李陽與蘇逸戰於此義熙六年盧循犯建康泊蔡洲劉裕策查浦藥園延尉三壘備其侵逸既而循聲言悉衆向白石裕遣沈林子等戍南岸斷查浦循焚查浦進至張侯橋林子據柵力戰却之又有沙門浦在查浦之西陶侃溫嶠共討蘇峻侃屯查浦嶠板橋浦府西南三十里源出府南三屯沙門浦是也

爲大勝河注於江齊蕭衍至新林分遣呂僧珍據白橋李居士自新亭直來薄壘爲僧珍所敗侯景犯建康朱雀航南新林浦在府城西南八里合大勝河濱大營陽廬陵王之罪羨之自新林港宋討徐羨之等殺害自尋陽舉兵逼建康敗臺軍於采石進軍新林潘暹亦襲宮城於是新亭諸軍皆潰蕭衍東下至新林分命諸將進逼建康隋伐陳晉王廣遣總管杜彥與韓擒虎合兵屯於新林蟹浦在府西北十六里齊崔慧景軍敗單騎走至蟹浦爲江甯浦府南七十五里源出當塗縣界漁人所殺卽此江甯浦長三十里入大江卽陳霸先遣侯安都襲破蔡洲府西二十五里江甯縣西南十八里齊兵處也蔡洲府西二十五里江甯縣西南十八里陶侃等入援舟師直指石頭至蔡洲又殷仲堪以江陵畔前鋒揚佺期桓元軍至石頭既而回軍蔡洲盧循犯建康引兵向新亭回泊蔡洲宋以拓跋燾入寇至瓜步詔分軍屯蔡洲梁侯景圍臺城合州刺史鄱陽王範遣其世子嗣與西豫州刺史裴之高等將兵入援軍於蔡洲陳霸先等討侯景大軍進姑孰先鋒次蔡洲一名

張公白鷺洲 在府西南江中南直新林浦宋初曹彬破
 洲東北即馬印洲 在府北二十里志又破之於白鷺洲
 白鷺洲 在府北二十里志又破之於白鷺洲
 史蕭會理等援臺城會眾三萬軍於馬也梁南兗州刺
 許景求和景慮會理等自白下而上啟請北軍聚還南
 岸不爾妨臣濟江從之馬印洲 在府北四十里劉裕
 洲即今黃家沙老鶴渚一帶新洲 在府北四十里劉裕
 孫思自丹徒至白石欲掩建康不備聞劉牢之引軍還
 至新洲不敢進而去新洲今之金珠沙也賈似道軍潰
 於魯港夜駐金珠 後渚 在府西南秦 倪塘 在上元縣東
 沙奔還揚州即此 後渚 在府西南秦 倪塘 在上元縣東
 王敦使王含錢鳳逼建康敗於越城含率餘黨於倪塘
 西置五城如却月勢建康在六朝時西至石頭東至倪
 塘南至石子岡北至蔣山相距各四十里戶凡二十
 八萬侯景之亂至於陳時中外人物不及宋齊之半
 塘 在府西南秦淮南岸近石頭西陶家渚吳大帝時自
 塘 在府西南秦淮南岸近石頭西陶家渚吳大帝時自
 於石頭尋出陳 方山埭 在府東南四十五里宋元凶劼
 於南塘即此

康敗劼軍於曲阿劼因緣淮樹柵決破柘岡方山埭以
 絕東軍蓋斷運道以拒之也柘岡埭見句容絳巖湖
 黃天蕩 在府東北八十里韓世忠與兀術相持處也黃
 溝白沙為限隔橫錯水陸之盜恒出於此而龍潭斜
 家渡 在府西南九十五里亦曰馬家洲又為馬家步或
 蓋礪沙夾汀面狹於金人犯順每越采石而度礪沙夾
 騎兵之地故金人得之遂陷建康馬家渡與采石相去
 六十里采石江闊而 麾扇渡 在府治南朱雀航之左一
 險馬家渡江狹而平 麾扇渡 在府治南朱雀航之左一
 出軍臨大航岸顧榮以白羽扇揮之其軍遂潰因名今
 為瓦屑壩 桃葉渡 亦在秦淮口志云即今武定橋北
 張公凸渡 在府北三十里臨大江與六合縣桃葉山相
 平陳行軍總管 落馬澗 在府西南二里亦曰南澗下流
 字文述濟自此 落馬澗 在府西南二里亦曰南澗下流
 於新亭鼓譟乘之 落馬澗 在府西南二里亦曰南澗下流
 澗中澗為之溢因名 落馬澗 在府西南二里亦曰南澗下流

在故臺城內建康宮
 北隅吳時宮苑也
 樂遊苑在覆舟山南晉之芍藥園
 即其江潭苑在府西二十里新林路侯景圍臺城以食
 地從景所請勒令自白下城移
 網江潭苑是也一名王遊苑
 桂林苑在府北落星山
 軍江潭苑是也一名王遊苑
 中堂在府新亭在江甯縣南十五里近江渚東晉初為
 處桓溫自姑孰入朝謝安等迎於新亭殷仲堪舉兵於
 陵前鋒楊佺期至石頭劉牢之帥北府兵赴京師軍於
 新亭佺期等皆失色曰賊於新亭步盧循犯建康劉裕拒之
 屯於石頭謂將佐曰賊於新亭步盧循犯建康劉裕拒之
 泊西岸此成擒耳徐道覆勸循從新亭至白石當若回
 上數道進攻循不聽裕登城見循引兵向新亭顧左右
 失色既而回泊蔡洲乃悅宋桂陽王休範自尋陽襲建
 康蕭道成曰休範輕兵急下乘我無備宜頓軍新亭以當
 下堅守宮城東府石頭兵以待賊至遂請出頓新亭以當
 其鋒休範至新林捨舟步上攻道成於新亭不克宋岳
 飛敗兀術於牛頭山兀術趣龍灣飛邀擊之於新亭大
 破之自吳以來石頭南上至查浦查浦南上至新亭新

亭南上至新林新林南上至板橋板橋南上至征羅亭
 洲陸有城堡水有舟楫建康西南面之險也
 在石頭塢晉太元元年征臨滄觀在府南十五里勞山
 羅將軍謝安止此亭因名臨滄觀上吳置為送別之所
 上有望遠樓宋故名臨滄觀王休範攻蕭道成於
 新亭白服乘肩輿自登城南臨滄觀道成將王回張敬
 兒詐降於休範遂襲殺之後謂之勞大勝關府西南三
 勞亭今勞山在新亭南亦謂之南岡大勝關陳水入江為
 卽大城港鎮有大城港板橋新林等浦之水入江為
 江流險阨處明初置大勝關港亦曰大勝港陳友諒來
 侵太祖命楊璟駐兵大勝港友諒至璟禦之龍江關在
 友諒見港水狹即退大勝江趨江東橋敗去龍江關是也
 鳳門外明初禦陳友諒使張德勝等出龍江關於此
 有龍門津要在金川門外十五里大江邊舟楫輻輳於此
 為南北津要又新江關在江東門外出中河鎮巡司在
 十里達江浦口新江關在江東門外出中河鎮巡司在
 夾岡門外江浦巡司在江浦西淳化巡司在江浦東四十
 龍江馬驛在通江橋西淳化巡司在江浦東四十
 五里大勝驛在江甯縣西南三十里江甯馬驛在江甯
 縣西南六十里又有新江口營東至觀音門東北至草

鞋夾皆靖安鎮府西北二十里本曰龍安鎮以鎮有龍
 安度宣化而去岳飛邀敗於靜安鎮既而兀木為韓
 世忠所扼乃鑿老鶴河故道通秦淮飛復敗之於牛頭
 山兀木進次龍灣飛營於南門新城與戰又敗之兀木
 遂自龍灣出江又為韓世忠所敗新城與戰又敗之兀木
 即靖安也靖安與真州宣化鎮分江為界自宣化至盤
 城竹墩上下五梁乃泗州之間道其斥堠戍守不可不
 嚴有靖安河亦取道真州之徑也明初陳金陵鎮府南
 友諒突犯金陵太祖命康茂才守龍灣陳金陵鎮府南
 里本名陶吳鋪宋政為鎮葛僊鄉在府東南七十里明
 初王師敗陳瑄先於秦淮水上追之至此鄉民執瑄先
 殺廷尉壘在府北舊秦淮寺舍地劉裕禦盧循築查浦
 之西南開寶七年曹彬伐南唐敗其兵於朱雀桁今聚
 新竹砦又敗之於白鷺洲及新林港是也朱雀桁今聚
 內鎮淮橋即孫吳之南羅落橋步鎮亦名石步橋劉裕
 津橋晉之宋雀桁也羅落橋步鎮亦名石步橋劉裕
 討桓元斬元將吳甫之於江乘進至羅落橋又斬元將
 皇甫敷是也陳霸先自京口襲王僧辯於石頭使別將

徐慶等帥水軍前發霸先帥馬步自江乘羅落橋會之
 羅落橋本屬江乘縣緣水設羅落之府南盧循犯建康
 此為大路橋下有羅落浦張侯橋在府南盧循犯建康
 受攝湖之水北入大江張侯橋在府南盧循犯建康
 裕將徐赤特擊飲虹橋在鎮西南秦淮浦至張侯橋劉
 之為賊所敗長樂橋在鎮西南秦淮浦至張侯橋劉
 又曰飲虹橋在鎮西南秦淮浦至張侯橋劉
 橋也武定橋在鎮西南秦淮浦至張侯橋劉
 東南日中和橋東南為上方橋皆秦淮諸橋之最著者
 葛橋在方山東南劉宋建平王景素舉兵京口李安民
 瑜從孫策破於葛橋即此周郎橋在府東八十里相傳周
 湖熟此其所經云北郊壇在府南吳永安山賊施
 龍首倉在石頭城亦謂牛屯在府東南吳永安山賊施
 北至建業未至三十里時丁固等劫吳主庶弟謙作亂
 留鎮建業逆戰於牛屯即時散華里在府西南東北
 門又東四十里為高廟也愛敬寺在蔣山西梁武帝所造
 卽句容縣往來大道也

於蔣山因山巔寒雪乃引軍下受敬寺既而戰於元武
湖側軍敗走入天寶寺景追之縱火燒寺綸犇牛方天
寶寺蓋在靈谷寺在外城內鍾山之陽金陵記蔣山寺
元武湖北靈谷寺舊在城南本名道林寺梁曰開善寺
宋曰太平興國寺後為蔣山寺明因孝陵奠焉乃移於
東麓賜名靈谷寺又有漆園桐機園俱在鍾山之陽洪
武初以造海運及防倭戰船所用油漆機纜為費甚重
乃立三園植椶漆桐樹各千萬株以備用而省民供焉
莊嚴寺在府城南牛山寺在舊城東七里

句容縣

府東九十里東北至鎮江府一百里

茅山

縣東南四十里初名句曲絳巖山縣西南三十里本
漢以丹陽名郡蓋本此唐改名今名山極險峻其下臨湖
五季之亂居民多避難其上建炎中鄉民復依之以免
禍華山在縣北六十里山高九里泉壑殊勝秦淮水源
萬數不能進討反竹里山縣北六十里塗甚傾險號為
為所敗即此山也

晉王恭舉兵京口會稽王道子遣兵戍竹里二年恭復
叛使劉牢之為前鋒牢之至竹里斬恭別將顏延之景
宋建平王景素舉兵京口詔遣任農夫等將兵討之景
素欲斷竹里以拒臺軍不果齊崔慧景自京口向建康
東昏侯命張佛護等據竹里為數城以拒之慧景拔竹
里進至查硯是也查硯蓋與竹里相近六朝時京口至
建康皆取道於此今自元東二十里余婆岡以至東
陽乃後世所開非古路矣上元志稱蛇盤洞音譌也
戊山在縣北六十里北臨大江花磔山在縣北五十里
里而達大江縣北七十里與揚州儀真縣分界又東有
溧水縣大江斜溝大江津要處也斜溝東北抵儀真高
資港四十里西北抵儀真舊江口三絳巖湖縣西南三
十五里與龍潭鎮並為濱江要地絳巖湖縣西南三
赤山湖源出絳巖山縣南境諸山溪之水悉下蜀港縣
流入焉下通秦淮縣及上元之田賴以灌溉下蜀港縣
六十里西南至府九十里東北至鎮江府六十里俗呼
為官港唐劉展以廣陵叛李暉屯京口以拒之展軍白
沙設疑兵於瓜洲若趨北固者潛自上流濟襲下蜀
眾遂潰明年田神功討展於京口亦遣別將自白沙濟

晉王恭舉兵京口會稽王道子遣兵戍竹里二年恭復
叛使劉牢之為前鋒牢之至竹里斬恭別將顏延之景
宋建平王景素舉兵京口詔遣任農夫等將兵討之景
素欲斷竹里以拒臺軍不果齊崔慧景自京口向建康
東昏侯命張佛護等據竹里為數城以拒之慧景拔竹
里進至查硯是也查硯蓋與竹里相近六朝時京口至
建康皆取道於此今自元東二十里余婆岡以至東
陽乃後世所開非古路矣上元志稱蛇盤洞音譌也
戊山在縣北六十里北臨大江花磔山在縣北五十里
里而達大江縣北七十里與揚州儀真縣分界又東有
溧水縣大江斜溝大江津要處也斜溝東北抵儀真高
資港四十里西北抵儀真舊江口三絳巖湖縣西南三
十五里與龍潭鎮並為濱江要地絳巖湖縣西南三
赤山湖源出絳巖山縣南境諸山溪之水悉下蜀港縣
流入焉下通秦淮縣及上元之田賴以灌溉下蜀港縣
六十里西南至府九十里東北至鎮江府六十里俗呼
為官港唐劉展以廣陵叛李暉屯京口以拒之展軍白
沙設疑兵於瓜洲若趨北固者潛自上流濟襲下蜀
眾遂潰明年田神功討展於京口亦遣別將自白沙濟

西趨下蜀官塘河在縣東五十里東北流入鎮江府丹
擊展敗之徒縣界新河源出東北六十里之駒
驪山南流入溧陽縣之長蕩湖注於太湖破岡瀆
亭水舊在城東源出縣北三十里之亭山破岡瀆
十五里六朝時運道也亦曰破嶺亦曰破墩亦曰破岡
宋元凶劼之亂會稽太守隋王誕等遣兵向建康劼
决破岡埭以絕東軍明帝初孔凱等以會稽兵應晉安
王子勛前軍至晉陵詔巴陵王休若禦之屯於延陵諸
將懼東軍之通勸休若退保破岡埭若不從白土鎮
在縣東南四十里高廟鎮
在縣西南四十五里又西常甯鎮在縣南四十里又土
接上元縣界東陽鎮在縣西北龍潭鎮在縣北八十里
六十里又東四十里即下蜀鎮龍潭鎮在縣南二十五里
鎮通臨大江燕王濟江次龍潭是也懸壽橋在縣西十
五里又西五里口周郎橋又沈公橋在縣南二十五里
府東南百四十里東北至句容縣八十里西南至甯國
陽軍於溧水孫儒渡江自潤州而南至溧水通渡江克丹
楊行密自宣州遣其將李神福襲敗其前軍

溧水縣

中山

在縣東十里一山有濁水
流演不息相傳山出兎毫為筆
杜城山在縣東南
山在縣東南七十里上有李子洞泉出沸湧相去三百
步又有燕洞產石燕中容數千人楊吳將田頽作亂
邑人嘗避兵於此銅山在縣西南秦淮水在城西自東
四十五里山產銅昔嘗鑄冶於此秦淮水在城西自東
方山埭與華山所出之秦脂河縣西石臼湖縣西南
淮河合而入上元縣境
接高淳縣及大平府當塗縣界湖西南與丹陽湖相連
中有軍山塔子馬頭雀壘等四山又丹陽湖亦在縣西
南七十里沙湖馬沉港縣東南三十七里出縣東五十
港在縣南六十里
在縣南六十里

高淳縣

府南百四十里西至太平府蕪湖縣百里本溧
水縣之高淳鎮嘉靖五年始築土城周三里
固城縣南十五里春秋學山縣治東一里秀山在縣東南
十里為固城湖在縣西南五里西通石臼湖丹陽湖
花山在縣西南五里西通石臼湖丹陽湖

南三十里中流與當塗縣分界
湖周一百九十五里東連石臼
鎮縣東南六十里與溧陽縣分界
中江之流恒病漂沒五堰築則中江不復東而宣歙諸
水皆自蕪湖達大江東壩北至溧水縣一百二十里東
西北至金壇縣一百六十里西南至甯國府一百二十里
水利所關也

江浦縣府西四十里西北至滁

東葛城在縣西北龍洞山縣西二十五里西接天井山東連西

十五黃悅嶺在縣西北二十五里皆今驛道所經大江縣

里東南浦子口河縣東二十里源出定驛道所經大江縣

合縣界東出瓜步入江高望鎮縣西南二十里有香泉鎮

以近湯浦子口城在縣東三十里為

六合縣府北百三十里北至天津渡之要

瓜埠城在縣東二十五里胡墅城在縣東六十里南岸對石

齊兵據石頭城先遣侯安都夜襲胡墅等於瓜埠東臨道

懷德城在縣瓜步山江縣徐嗣徽引齊兵犯瓜埠東臨道

先潛遣將沈泰渡江襲齊行臺趙彥深於瓜步獲陳霸

餘艘粟萬斛唐永王瑒作亂自當塗進據丹陽淮南趙匡

訪使李成式等遣兵軍於瓜步廣張旗幟列於江津

黨望之始有懼色相率來降五代周唐淮南趙匡

江距六合二十餘里設柵不進數日乃趨六合為匡

所收瓜步江中之眇小山耳徒以因迥為高據絕作雄
 臨清瞰遠擅秀含奇亦居勢使之然也自瓜步渡江為
 唐家渡至南岸二十里又二六合山名六峯山有寒山
 十五里即南京之觀音門也六合山在縣東十里
 獅子石人雙鷄芙蓉桃葉山十里靈巖山在縣東十
 高妙等峰互相拱抱馬頭山石奇勝馬鞍山在縣北
 美為縣之勝東十五里日馬頭山石奇勝馬鞍山在縣北
 橫山縣口山在南十八里日馬頭山石奇勝馬鞍山在縣北
 二十里相接者曰牛頭山峯巒聳秀高入雲表有泉出焉
 三山在縣西北六十里接天長來安二縣界赤岸山
 在瓜埠東五里下臨江中南兗州之西曰西龍山赤岸山
 自海門入衝激六七百里至此其勢始衰大江東南
 三十餘河在縣治西南自滁和州界會五十四流之水
 吳明徹攻齊秦州前江浦通滁水齊人以大木立柵
 水中明徹遣別將程文季攻拔其柵遂克之金亮南侵
 造三師濬滁水塞瓜埠口虞允文自采石還京口命張
 深守滁河口扼大江之衝以苗定駐下蜀為援是也

冶浦河

在縣東二里源出牛頭山北通天長南入滁河

子溝

北縣東南二十五里今曰急水溝下流入於大江溝

瓦梁壘

在縣西五里即孫吳所作涂

塘處

亦曰瓦梁城自瓦梁下船直長蘆鎮在縣南二

至滁河

口便入大江此防守要地也長蘆鎮在縣南二

長蘆江

舊為戍守處齊建元初魏人南寇分軍守長蘆

梁蕭會理

等以侯景出屯皖口建康中虛謀誅王偉使

蕭又理

出犇長蘆集眾宣化鎮在縣南六十里六合山

得千餘人

事覺被殺宣化鎮在縣南六十里六合山

亦曰五馬渡

宋張浚救濠州為金人所敗馳入宣化尋

議築城

駐守不果自滁州全椒縣出宣化渡則徑達建

康靖安鎮

又泗州盱眙有小徑縣張店出五梁盤城至

宣化不滿

三百里兀術會繇此至六合下寨此有初齊

必守之

竹鎮在縣西北士林館在縣西北陳霸先赴援

地也

大敗齊將郭元棠邑城在縣北漢縣也

建於士林

是也棠邑城在縣北漢縣也

江蘇二
江蘇詩星

揚州府

東至海三百六十里南渡江至鎮江府五十里西至滁州二百六十里西北至鳳陽府泗州二百十里北至淮安府三百二十里自府治至江甯府二百二十里至京師二千三百二十里

禹貢揚州之域春秋時屬吳後屬越戰國時屬楚秦九江

郡漢江都國廣陵國北齊東廣州陳南兖州後周吳州隋

揚州唐邗州揚州明淮海府淮揚府揚州府 本朝因

之領縣六州二

府根柢淮左遮蔽金陵自昔為東南都會吳王濞稱兵於此孫權不得廣陵雖數爭淮南而終以長江為限東晉以後皆建為重鎮隋人命賀若弼鎮廣陵陳祚不可復保也高駢擁節自雄外成巢溫之毒內釀畢呂之禍楊行密收

其餘燼猶能并孫儒却朱温繕兵積粟保固江淮沿及南

唐尚為強國及周世宗克揚州江南於是日蹙矣宋室南

遷以揚州枕江臂淮倚為襟要趙范曰揚州者國之北門

一以統淮一以蔽江一以守運河皆不可無備王應麟曰

揚州俯江湄瞰京口南躡鉅海之滸北壓長淮之流必揚

州有備而後淮東可守及宋運已移李庭芝竭蹶於此強

寇且畏其鋒明初既定金陵即北收揚州不特唇齒攸寄

亦即以包并淮南也都燕後轉輸特重揚州為之咽喉故

防維常切也

江都縣

附郭

方輿紀要簡覽

卷四

江蘇二

十五

經古書屋

甘泉縣

附郭 本朝雍正九年分江都縣置

古廣陵城

在府城北漢築廣陵城宋大明三年竟陵王

小城誕據廣陵以叛詔沈慶之攻之克其外城進克

有新舊兩城江都故城在府西南邗溝城西四里左傳

吳城邗溝通江淮漢已後荒地謂之新城府北二十五

年謝安上疏求北征出鎮廣陵之步邱築壘曰新城寶

也瓜洲城府北七里遺隍斷塹隱隱可尋卽隋迷樓故基

元初劉展據廣陵設疑兵於瓜洲神功等趨北固者潛自上

流濟襲取潤州明年平盧將田神功等討展軍於瓜洲

帝太后北去時李庭芝鎮揚州遣其將姜才夜擣瓜洲

以邀帝后元入避去才追戰至浦子市甘泉山府西北

里高二十餘丈周圍二里山有七峯得勝山在府西北

三十里宋韓世忠敗金人於大儀還軍至此席帽山在

府西北十二里大銅山蜀岡府城西西北四里綿亘四十

在府西北七十二里江與金陵相對上有蜀井相傳地脈

通蜀也自邵伯球以南地勢皆高阜連亘幾數百

里淮之不能合於江也勢也蜀岡諸山西接廬滁凡北

兵南侵揚州率循山而南據高壘以臨之唐楊行密

以畢師鐸之亂自廬州而南據廣陵軍於楊子並西山以逼

廣陵卽蜀岡也既而行密克揚州蔡賊秦宗權遣其弟

宗衡等與行密爭揚州抵城西據廣陵故寨周顯德三

年克揚州南唐將陸孟俊自泰州進攻揚州屯於蜀岡

周將韓令坤懼而出走會救至乃復入城蓋據蜀岡則

斷周兵糧援之道令坤所以懼而走也今郡城西北外

土高於城敵若屯此恒有窺伺之慮夾岡在府揚子江

東北七里與蜀岡相接崑崙岡在府西北八里揚子江

府南四十里與蜀岡相合縣經儀真縣至瓜洲鎮又東過泰

興如皋歷通州故海門縣而海曹魏黃初五年至廣

陵時江水盛漲不臨望歎曰魏雖有武騎千羣無所用

之未可圖也明年復如廣陵故城臨江觀兵見江濤洶

裕平南燕以盧循犯建康疾馳至廣陵濟江趨京口陳
 霸先平侯景軍京口唐宋以來濱江廣陵隋平陳賀若弼自
 廣陵濟江拔揚子鎮口唐宋以來濱江廣陵隋平陳賀若弼自
 初自廣陵揚子鎮口唐宋以來濱江廣陵隋平陳賀若弼自
 婁球江瀾猶二十餘里宋時瓜洲相口猶十里唐立伊
 洲渡至京口不過七里渡口與江心金山寺對亦謂之沙壩河
 東五里餘曰沙河與塔灣為盜淵藪其南岸漢可進
 圖山又東南四十五里曰三河口亦曰新港東至周家
 橋四十里正與江南圖山儀可保此為順江洲東至周家
 水流至急此處扼守則瓜山儀可保此為順江洲東至周家
 要會有一字港通上接圖山儀可保此為順江洲東至周家
 可以駐劄賊蘇州狼山而西宜於此泊守若一里官兵
 港登岸可以入海之要口防最切揚州矣此新港為可
 以登岸可以入海之要口防最切揚州矣此新港為可
 山北岸三河口為第一重門戶而瓜洲則第二
 重門戶儀真天寧官河古邗溝也里伊婁河在府南二
 洲為第三重門戶瓜洲謀犯京口楊存中等命戰士
 與三十一軍亮軍瓜洲迫岸復回金兵皆持滿以待
 踏車船自京口徑向瓜洲

其船中流上下回轉
 如飛敵相顧駭愕
 白塔河府東北六十里芒稻
 灣亦曰東塘天復二年時馮宏鐸據上元為行密將田
 頽所敗棄昇州將沿江入湖至東塘行密迎之遂收其
 眾明年田頽與潤州將安仁義叛仁義悉焚東塘戰艦
 東塘即今灣頭淮南戰艦
 聚焉故仁義得焚之也
 艾陵湖府東北四里
 邵伯湖府北
 雷塘府西北十
 通新城湖旁有邵伯湖為水陸孔道
 雷塘府西北十里亦曰
 陳公塘儀真縣界與七里溝亦曰七里港三里溝
 舊在府西南十九里宋德祐初蒙古將阿木自真州乘
 勝趨揚州將姜才逆敗之於三里溝阿木伴退才逐
 之阿木還戰至揚才軍潰敵兵進薄揚州南門大儀鎮
 張宏範絕渡進戰才軍潰敵兵進薄揚州南門大儀鎮
 縣西七十里楚州親提兵騎界宋紹興四年劉豫以金人入
 寇步兵自楚州親提兵騎界宋紹興四年劉豫以金人入
 分兵守承州五陣設伏二十餘所金前軍轟兒孥董引兵
 斷歸路勒五陣設伏二十餘所金前軍轟兒孥董引兵

趨江口距大儀五里別將捷不野擁鐵騎過五陣東伏

發寇大敗論者稱大儀之捷為中興武功第一者也

宜陵鎮府東北六十五里地勢高阜民居稠密自灣

角林府南三十里宋紹興三十一年金亮南侵劉錡軍

伏發金人敗將王佐等拒金人以運河於此佐設伏林中敵至

狹非用兵之利遂引去佐復追敗之平山堂在府西北

上吳公臺府城西去楊子橋年李通攻江都沈德二

興遣子綸赴救軍於揚子時杜伏威亦自歷陽來救軍

於清流與綸相去數十里子通詐為綸軍襲伏威自

怒亦遣軍襲綸兩軍相疑入江都陷於子通今運舟自

儀真達者四十里至石人頭入江都界又十五里至揚

子橋自瓜洲達者三十里亦至楊子橋合於官河東折

北行經府城東蓋總會之所也周家橋在府東南百四

十里南臨大江接白土戍在府桑里在府城西南二

廟灣為控扼要地宋主命為三烽於桑里三烽山光寺

外城舉一烽克內城舉兩烽擒劉誕舉三烽

儀真縣

楊子廢縣

府西七十五里西南渡江至江甯府六十里西北至

泗州天長縣百二十里東南渡江至句容縣九十里

舊城在縣東南十五里城子山縣北六里山形如

臺立馬賦詩於此又焦家山在縣東北五里宋開禧二

年金人寇真州總轄唐璟决陳公塘水被真東北境敵

登焦家山望之知不可越小銅山縣西北二瓜步山

引退方山在縣西三十里靈巖山揚子江在城南

四十七里與六合縣接界處也靈巖山揚子江在城南

在縣西七十里界儀真六合三縣間揚子江在城南

行五十里至瓜洲以達鎮江西運河在縣治西南迤東

行亦五十里至瓜洲以達鎮江西運河在縣治西南迤東

溝入江長蘆河在縣西四十里其上流為沙陳公塘

都縣界老鶴嘴在縣東南宋德祐初蒙古將阿朮攻真州

北三里老鶴嘴在縣東南宋德祐初蒙古將阿朮攻真州

勝趨揚州即今縣東南二十里之老鴉夾也青山嘴在

縣西三十里青山嘴西至東溝二十里東至下江口三

里白沙鎮在縣城南濱江歐陽戍在縣東北十里邗溝

舉兵廣陵詔沈慶之討之慶之進至歐陽

高郵州府北百二十里北至淮安府二百十里西至鳳陽府泗州二百里東南至泰州百五十里

春秋時為吳地漢廣陵宋高郵軍明高郵州

州介於揚楚之間號為東南咽喉藪澤環聚易於控扼也

高郵廢縣即今之臨澤廢縣州東北神居山州西南六十里一名土山

高二十五丈周五里山官河在州城西自州南三十里江都縣界露筋廟起

不甚廣而股趾盤礴甚大等湖經城北六十里界首鎮止其西七十二澗之水繇暨社

運所也運鹽河在州城東北一名閘河亦曰東河東流八里抵興化縣河口鎮又東接泰州運河

樊梁湖自天長縣石梁河流入州界暨社湖州西北

東西長七十里南北闊五十里新開湖州西北三里其水東南俱通運

之水俱滙此湖而入於淮淮東川澤之國凡小洲大瀆

水勢環遶人所不到處皆水寨也平阿湖在州西八十

里其東南為五湖接天武安湖州西南三十里與新開河相接白馬塘

州西南七十里北近北阿鎮阻三阿侯謝元子嬰溝州

破苻秦將都顏俱難李孝逸破徐敬業處也

七十自寶應縣界洩官北阿鎮州西八十里亦曰三

河之水東南流經州境北阿鎮州西八十里亦曰三

平阿湖又南三塚鎮州東四十里宋建中時金人攻楚

有下阿谿也聲援寇至三戰三捷孟城驛在州

寶應縣府北一百四十里北至淮安府八十里西至泗州

安宜城縣南石鼈城縣西八雲山縣西南百二十里上運河

在縣城西自縣南六十里界首驛至縣北涇河縣北四

二十里黃浦鎮凡八十里有東西兩堤

山陽縣界西接漕河經縣東四十里又汜光湖縣西南

東入射陽湖衡陽河在縣西南六十里

方輿紀要

卷四 江南二 行杏書屋

東長三十里
南廣十里
射陽湖
縣西北十五里
廣洋湖
縣東十五里

白馬湖
縣西北十五里
射陽湖
縣東六十里
白水塘
縣西八十里

凡三百餘里
深廣為羣川
周二百五十里
接泗州
縣北二

長沙溝
縣東十五里
槐樓鎮
縣南二十里
章思蕩
縣東南四十里
黃浦溪
縣南三十里

興化縣
府東百二十里
海溝河
縣東北二十五里
得勝河
縣東

運河
在城南
海溝河
縣東北二十五里
得勝河
縣東

十里木名
梁山泊
舟師設伏
河大陂湖
湖縣北二十里

中縣北二十里
有岡阜四望平坦
塘
丁溪閣
即丁溪鹽場也

陵
在縣南二十五里
唐大順初
朱全忠將龐師古畧

亭鎮
淮南下天長
高郵引兵深入
與賊將孫儒戰敗於

陵亭
乃還瓠子角
在縣東南
明初徐達等攻興化太祖

化遂安豐鎮
縣東北六十里
又芙蓉鎮
在縣東北

泰州
府東百二十里
西至高郵州
百五十里
南至常州府三百里

春秋時吳地
戰國時屬楚
秦九江郡
元泰州路

州面江枕淮川
原沃衍魚鹽繁
殖稱為輿區

海安城
州東百里
明徐達攻江北
駐軍海安尋進圍泰州

扼要地也
今為海安鎮
居如阜
泰州之中東可

天目山
在州東四十五里
土山也
上有雙井如目相對
又有呂城

揚子江
舊在州南
運河
在州西

揚子江
舊在州南
運河
在州西

灣頭鎮而東經州西三十里斗門鎮又東至城南有運

河壩自壩而南為濟川河又南三十里至泰興縣之廟

灣又二十里至濟川鎮西溪州東北百十里西接運河

通江商船多繇此入一名發溪河雞雀湖在州東

於祈湖北四十里周三十里鴨子湖在州南二十里

堰在天目山前捍海堰在州東宋胡逗洲州東南二百

中海陵監州東北百樊汶鎮州西北八十里與

東臺縣府東百二十里本朝高郵江都分界

淮安府東至海岸二百三十里南至揚州府三百二十里西

北至山東沂州府五百四十里自府治

至江甯府五百里至京師二千五百里

禹貢揚州之域春秋屬吳戰國屬楚秦九江臨淮郡魏臨

淮廣陵二郡地梁淮州隋楚州五代順化宋淮安元淮安

路明淮安府 本朝因之領縣六

府阻淮憑海控制山東春秋時吳夫差欲通中國道出江

淮即從事於此及至曹丕謀吳舟師亦繇此而南也其後

南北有事輒倚之為重鎮東晉初以祖約劉隗相繼守此

荷秦之入寇襄陽其兖州刺史彭超曰願更遣重將攻淮

南諸城為碁劫之勢東西並運丹陽固不足平也堅從之

益發兵寇淮陰盱眙蓋淮陰之去丹陽四百里而近北對

清泗則轉輸易通南出江津則風帆易達繇淮入江此固

其必爭之道矣楊吳據有淮南能以山陽清口為門戶遂

能挫朱溫之鋒及山陽入於後周而南唐之烽火乃近在

江濱矣宋人南遷以江淮立國於是山陽之勢乃益重周世宗自北神堰鑿老鶴河通戰艦入大江唐之淮南遂不可復保此其前車也是故韓世忠嘗保山陽以拒方張之寇劉錡議塞清口以阻逆亮之師及至蒙古侵陵叛臣劉整亦勸其從事於清口桃源為進取之計豈非以地利不可或忽乎

山陽縣附郭元人於馬羅寨立山陽

淮安城魏主熹南寇至瓜步太守蕭僧珍蓄陂水須魏

陰城府西北四十里東晉太元三年苻秦將俱難等寇淮橋秦人敗遁淮橋秦人作於淮上以渡新城在府西

兵者也十年謝元鎮淮陰明年以朱序代

所謂淮安韓信城府西十里相傳韓信受封時所築元

拒守甲別將兵守韓信城與淮安城相犄角寇不能

池山府西北四十里又有金牛洞在府西淮水在城北

泗州龜山北麓東流稍折而清江浦在府城西自城外

舊為沙河一名烏沙河來會焉清江浦在府城西自城外

之險開導凡六十里舟行便利明陳瑄修治運河故老

言城西管家湖西北至鴨陳口僅二十里與清河口相

浦引水蘇管家湖入鴨陳口達淮運管家湖築堤亘十

里以便引舟其入淮之處設河口壩新莊開以時啟閉

自新莊開而東南其高卑遞為福與清江山陽瀆在府

古刊溝也其入淮處謂之末口春秋哀九年吳城邗老

溝通江淮悉秦漢至南北朝道出江淮必繇此瀆

鶴河在城西七十里五代周畧唐淮南欲引戰艦自淮

入江阻北神堰不得度因鑿楚州西北鶴水以通

其道旬日而成巨艦數百艘皆達於故城河在府東南
 大江蓋縣鶴河出山陽濱以入江也故城河在府東南
 名壽河唐朱全忠將劉瓚據楚州感化節度使時溥自
 楚州而南楊行密將張訓敗之壽河遂取楚州是也河
 東入射陽湖西南連黃浦達永濟河在府南十里涇河
 鹽城高郵寶應興化諸處
 府南五十里亦入寶應縣界分引漕河漲射陽湖府東
 溢東流注於射陽湖范家河在府城東
 十里亦曰射陂一名博支河濶三十
 丈長三百里與鹽城寶應縣分界
 阜甯湖在府西南五洪澤屯在府東唐於射陽湖置洪
 十里在高家堰之南
 柳浦灣在府東北四十里潘季
 明徐達攻淮安敗張士誠授兵於此遂拔淮安城建
 義港在府東北八十里高良澗在府西南九十里海
 灣之西為劉莊又西南為鹽城縣之姚家場皆沿海廟
 鎮也大海口東南有蛤蜊麻線二港為窺伺之徑道宋
 末李全作亂據楚州遣海舟出海口蘇州洋入平江

嘉興以習海道明嘉靖中倭
 亂廟灣劉莊受害尤劇云
 北神堰在府城北五
 高家
 堰慶中淮水挾湖水決於此合揚州寶應諸境悉為巨浸
 光諸湖又決黃浦入凌山陽高寶興鹽諸境悉為巨浸
 淮既東黃河亦躡其後西灌鳳泗而清口壅塞淮黃交
 病矣萬厯中更為修築堰南有越城周家橋地勢稍亢
 因築減水壩淮水漲則溢入白馬湖消則仍為陸地而
 後運道無阻蓋高堰者
 常豐堰在府南通濟閘在淮陰故
 黃淮兩河之關鍵也
 水入廟灣鎮亦曰廟灣場倭寇往往闖入於此南昌亭
 淮處廟灣鎮亦曰廟灣場倭寇往往闖入於此南昌亭
 在府西周家橋南為翟家壩淮水東溢往往從此奔衝
 三十里
 為高寶一帶之患隄防至切西義橋在新
 城西門外舊名西鐵橋為行旅輳集之所
 阜甯縣析山陽鹽城二縣置
 清河縣府西五十里西南至泗州百五十
 里南至泗州天長縣二百十里

黃河

縣西自桃源縣流入境至縣治西南清河口清河在

入淮自是河淮合一沂泗諸流盡失其舊

治西即泗水下流也洪澤湖在縣南六十里湖長八十

為河淮交會之口北萍湖在縣南九十里與淮水通流三角湖在縣西北

八里縣境湖澤相連大小以數十計其下流皆達於河

淮縣蓋鍾魚溝鎮縣北四十里又北二十里舊為金

水之區矣魚溝鎮縣北四十里又北二十里舊為金

澤鎮亦曰洪澤驛唐龐勳據彭城其黨吳迴攻泗州甚

謹從泗州出求救因邀五百人至淮南至洪澤不敢進辛

岸度淮擊賊走之馬頭鎮在縣東七里吳城縣西二

鹽城縣府東南二百三十里西南至高郵州

巢城縣北百沙岡在縣治海在縣東自海浦東北出洋氏

港出海以達直沽有隄在東門外二里謂之捍海堰宋

范仲淹移堤勢稍西壘石以固其外迤邐如坡不與水

爭雖洪濤不能衝擊西壘石以固其外迤邐如坡不與水

三里奇俗謂之塘湖岸亦謂之范公堤射陽湖西縣

廣惠磴縣東三里舊名白波湫運河水勢鹽城監在縣南

也歷代海岸煎鹽之所今府境之鹽場凡十而在鹽城

者四曰白駒曰劉莊曰伍帖曰新興在山陽者一曰廟

灣在海州者三曰板浦曰莞瀆曰臨洪在安東者凡喻

二曰興莊團曰徐浦瀆皆民生所賴而國用所資也喻

口鎮縣西北百二十里有諭口渡淮河津要也宋李全

據楚州龔陷鹽城造浮橋於諭口以便鹽城往來

蒙隴鎮縣北百

安東縣府東北九十里北至海州二百

淮水自山陽縣漣水縣之沐水分流也官河縣北三十

里南北八十里與海州沐陽贛榆接壤亦曰太湖又謂之石蕩湖一名碩灌湖

梯關在縣東北自縣東水道抵雲梯關凡二百四十里與海州接界

桃源縣 府西北百二十里西北至宿遷縣九十里南至泗州百九十里本宿遷縣之桃園鎮

馬廠坡 縣東黃河南岸黃河在縣城北其西北三十里

鎮 縣北四十里杜村湖 縣東南三十里又五里為白洋河

上有崇河橋 縣西六十里二鎮在縣東三十里桃

徐州府 東至邳州百五十里西至河南歸德府五百十里北至山東兗

州府三百六十五里自府治至江甯府一千里至京師二千里

禹貢徐州之域春秋戰國時屬宋秦屬泗水郡漢屬彭城郡唐感化軍石晉武甯軍宋元徐州武安州明徐州

本朝雍正十三年升為府領縣七州一

府岡巒環合汴泗交流北走齊魯西通梁宋自昔要害地

也後漢建安末孫權欲取徐州呂蒙曰徐州地勢陸通驍

騎所騁今日取之操後旬必來爭蓋其地為許洛襟要蒙

以車騎非步兵所能敵江南之力是時未可以爭中原也

及晉人南渡彭城之得失輒關南北之盛衰太元九年時

河南城堡多附於晉謝元欲使朱序屯梁國自屯彭城以

北固河上西援洛陽朝議不允既而黎陽以南遂至騷動

後魏取後燕之滑臺慕容德與諸臣韓範等謀先據一方

以立基本張華曰彭城楚之舊都可攻而據之潘聰曰彭

明乘水勢攻城不聽尋敗

也盤馬山府東北九十里連徐州東北百二十里其下即呂梁山

河南永城縣流入界經揚州大縣又東南流合泗水今

州東南七十里梨林舖李家井皆掃灣急瀾防維最切

又東為牛市口魁山堤尤為要害詳見川瀆異同

而州東郭家嘴山永城縣流入界經揚州大縣又東南流合泗水今

舊在州城北自河南永城縣流入界經揚州大縣又東南流合泗水今

城東北而入泗自唐宋以來汴渠多自夏邑永城達宿

州境又東南至泗州達淮而泗之流甚少其後大河

决嚙遂奪汴故道為經流矣泗水至茶城即合於

城至州東北合汴水後汴流北徙泗水至茶城即合於

汴蓋誤以大河挾汴水東下混為一流也今詳見河南

大川泗水在府城東北梁普通八年遣將成景嵩攻魏

擊却之既而蕭淵明及陳吳明徹徐州刺史崔孝芬等

等皆堰泗水以攻城卒不能拔

百步洪泗水所經也

呂梁山府東南六十里有上下

齒列波流洶湧晉太元九年謝元克苻堅進平兖州患

水道險濫根運艱阻用督護聞人夷謀堰呂梁水植柵

立七埭為派擁上吳明徹之流以利漕運公私稱便遂進伐

青州陳太建七年吳明徹攻彭城大破齊軍數萬於呂

梁十年明徹伐周進屯呂梁周徐州總管梁士彥拒戰

為明徹所敗進圍彭城環列舟楫於城下堰泗水以灌

城周遣王軌馳救募壯士夜决堰至明陳雁麥湖府西

人始覺遂潰還蓋呂梁自晉宋間有之

十狼矢溝府東二十里又東安王陂在府東鎮府西四

里安民鎮州城南二里曰彭城驛州南五十里曰桃山

驛州東北四十里曰石山驛州城外曰黃河東岸驛與

利國驛皆為高家戊在府西水經注同孝山陰有楚元

陸路所經五年張惠紹等攻魏彭城圍高家戊為魏

於此梁天監五年張惠紹等攻魏彭城圍高家戊為魏

將奚康生所敗或曰即亞夫家也寰宇記范增墓在府

城南宋元嘉二十二年魏主燾南侵至彭城登亞夫山

以望城內則高塚成當置於此下磻戊在州東南劉宋

泰始二年薛安都以彭城降魏詔張永攻之軍於下磻

即此又府境有胡村十八里等砦金輿定二年紅襖賊

攻徐州之胡村寨元光戲馬臺在府萬會橋舊城東北
初又襲十八里寨即此城縣百八十里

蕭縣府西南四十五里南至安寧州百五十
里西至河南永城縣百八十里

杼秋城在縣治西南龍城縣東三
台山在今縣北丁公山縣

五里永固山在今縣南四十里下
黃河在縣睢水在縣

十山西湖在今縣西英州泊縣西北
鴻溝在舊縣西鄭

里在縣紅亭在今縣蕭城在縣西北十
里西至山東魚臺縣百十里

沛縣府西北百四十里東至山東滕縣九
十里西至山東峄縣百十里

廣戚城在縣東七山縣西南葛墟嶺縣東南
黃河在縣泗河

城東泡河舊有梁謂之苞橋宋元嘉中魏將
步尼公屯

雷城與宋將稽元敬遇引兵趨苞橋欲渡清
西沛縣民

燒苞橋夜於林中擊鼓魏以為宋兵大至爭
渡苞水弱

死者大半薛河在縣東昭陽湖縣東北八里
即山陽湖俗稱

於夏鎮縣東北四沙河鎮亦曰沙河店
齧桑亭在縣

泗水亭在城東南漢高為鷄鳴臺在縣東北
五十里

雲橋在城南為留城縣東南
五十里

豐縣府西北百八十里西至山東單縣
九十里

黃河縣南豐水亦曰泡水吳康鎮縣南
枌榆社縣東北十五里

礪山縣府西南百七十里西北至山東單縣
九十里

麻城在縣東北二十有五礪山在縣東南
黃河舊在縣南

睢水在縣南夾河縣西南礪縣故城在縣
東

邳州府東北一百五十里東至海
三百五十里

方輿紀要簡覽

紅杏書屋

古徐州地春秋時為薛國地東漢下邳國治於此

州北控齊魯南蔽江淮水陸交通實為衝要春秋時謂之
淮北地漢室紛更徐淮最為多事曹操得之遂以控扼東
南及晉室之衰縱橫馳逐下邳幾無甯歲蓋爭淮北必爭

下邳也

下邳城

州治東古邳國也左傳昭元年趙文子曰商有姚
邳呂布襲取之三年曹操破斬布於下邳魏晉嘗為重
鎮其南門曰白門宋李全欲攻金邳州州四面阻水不
能進而還蓋州武原城在州西北良城州北六十里春
嘗恃水為險云武原城在州西北良城州北六十里春
三年晉侯將葛嶧山州西北艾山州北百里憂路山在
會吳子於良葛嶧山州西北艾山州北百里憂路山在
嶧峻險磬石山在州西南八十里泗水在州南二里自山
里泗濱浮磬此山所產石也

州又東入宿遷縣界沂水在城西一里

下流至清口合淮沂水在城西一里

縣合蛤蜊連汪諸湖東會沂水從周湖柳湖接州東之

直河自夏鎮迄於直口凡二百六十餘里避黃河險者

三百餘里東南之直河沐縷湖又分派而南至州東南

漕皆取道於此直河州西五十里源自山東嶧縣馬

六十里為直河武河州西北九十里亦曰湖口集又州北八

口入於泗河州西北九十里亦曰湖口集又州北八

里淮為湖口鎮州西北九十里亦曰湖口集又州北八

蛤河州之源雀鎮在州東北金史保大中棄山東津要也

守邳州之源雀鎮以拒蒙古蓋其地當山東津要也

焦墟在州直河鎮州東南三里

宿遷縣在府東百里西北至邳州北百二十里西南至鳳陽

宿遷縣在府東百里西北至邳州北百二十里西南至鳳陽

宿豫故城在縣治下相城在縣西北角城在縣東南

縣東南五十里泗陽司吾城在縣西北濟岷城在縣

城在縣東南八里

縣北二里高十五丈周十二里陵阜如馬其岡黃河在
 脈曰靈傑山前阻運河隔嵎山在縣北七十里
 南又東南經廢陵城南入桃源縣睢水在縣東南十里
 界即泗水故流也亦謂之清水
 境俗謂之小河口亦謂之睢清口黃白洋河即小河南三十五里
 小河口之通塞也落馬湖縣西北倉基湖縣東南三十
 歸仁堤之關要也
 縣西南五十里山東蒙沂諸水俱發於此
 於大河湖外有馬陵諸山蜿蜒環抱為天然遙隄云
 孫溪渚在縣東淮陽之嵎嵎鎮在嵎嵎山下五代漢南
 招納淮北羣盜漢徐州將成德
 欽敗之於嵎嵎鎮唐兵引還
 睢甯縣在縣東南百二十里泗水至安
 陽縣西北五十里上有羊山睢水在縣治北自宿州
 層石臺亦謂之羊山
 湖里周十二里高作鎮縣東十五里又縣西三十里有本社鎮

海州

縣西北六十里為新安鎮黃河縣北五十里
 皆居民商旅萃集之所也
 東至海岸二十八里南至淮安府三百七十里西南至
 鳳陽府泗州府五百四十里西至徐州府四百八十里西北
 至山東莒州府四百七十里北

古為徐州地春秋時邾子國漢東海東魏海州隋海州海
 甯州明海州 本朝因之領縣二

州地阻海連山為南北襟要六朝時置重鎮於此宋時魏
 勝取海州而山東響應及羣盜李全據之南窺浙右北擾
 青齊而江淮之間幾於困弊蓋水陸交通可左可右當用
 兵之際未始非形勝所關也

胸山廢縣

即今州治地

東海廢縣

州東十九里漢贛榆縣地即鬱洲山也

海西廢

方輿紀要簡覽

州東南四十里有板浦堰壩以運鹽為商賈輻輳之所

贛榆縣 州北百二十里西至山東沂州府百八

紀鄆城 在縣北七十五里春秋昭十祝其城 縣西五十里

齊侯於祝其地左傳定十年公會武陵城 縣南五利城故

城 縣西六羽山 舜縣西北八十里高四里周迴八里相傳

谷山縣西攔頭山 攔頭山 縣東北七十里有石劍水 縣西南海

迴繞島嶼參差稱為易守而難犯云 荻水鎮 縣東北

洛要鎮 縣東南贛榆城 在今縣

沐陽縣 州西南百二十里西南至桃源縣百二十里東北

潼縣城 縣南厚邱城 縣北四建陵城 在縣西北陰平城 縣西北

漢縣屬東海郡成帝封楚孝王子回為侯邑後漢仍屬東海郡晉武帝嘗封魯芝於此其縣旋廢章懷太子賢曰故城在承縣西南蓋其地與山東嶧縣接壤平曲城在縣東北漢縣屬東海郡宣帝封廣陵厲王子會為侯邑後建陵山 縣西北百里與山沐水 在縣治碩項湖 縣

漢省亦曰太湖 曲沐成 在縣北洪溝鎮 縣西六十里又

與安東縣接壤 宿遷縣桑墟鎮在縣北四十新興營 縣西北二十里又

里又柳莊鎮皆往來要地也 新興營 縣西北二十里有西營

通州 東至海百三十里西南至常州府靖江縣九十里南渡

江至蘇州府嘗熟縣百二十里西北至泰州二百七十

春秋時吳地宋崇州元明通州 本朝因之領縣二

州據江海之會繇此歷三吳問兩越或出東海動燕齊亦

南北之喉吭矣

靜海廢縣

今州

蒲濤廢縣

在州西

狼山

州南十五里與塔山

相連屬亦謂之狼五山高三丈周三百四十六丈
 勝槩甲於江北上接大江下達巨海絕江南渡八十里
 抵蘇州常熟縣福山鎮順江而東至崇明沙揚帆乘順
 風南抵明州定海頃刻可至唐乾符二年王郢等作亂
 攻陷蘇常沿江入海轉掠二浙南及福建大為民患明
 正德八年賊劉七等掠江准官軍敗之賊走狼山中官
 軍扼而殲之江一刀山在狼山海門島宋犯死獲貨者
 塔山在狼山西一名黃泥山
 配隸登州沙門島布洲夾洲南四十里有南布洲東布
 及通州海門島
 周顯德五年取唐淮南軍迎鑿鎮聞唐戰艦數百艘
 泊東布洲將趨海口扼蘇杭路周主遣慕容延釗等將
 水陸兩軍循江海在州東北自淮安鹽城縣界南經興
 而下擊破之
 四場東南料角嘴與江合通州東北阻海南通大江運
 狼山寶當江海之吭而餘東則控扼之所也
 鹽河在州西北自江都灣頭褚家沙洲南三十里江中
 經泰州如皋縣流入界

青草沙其西為蒲沙范公堤在州東北志云堤起自海
 而褚家沙當其外口西去海遠者百里近者數十里堤之
 瀆連三十餘場之地淡水出則鹽課消故堤以護之堤
 外俱竈戶煎鹽之地淡田潮水入則田租損故堤以防
 之內俱係民戶耕種之田潮水入則田租損故堤以防
 之中間有洩水入海之路白駒開口及牛灣河瓦龍岡

是利豐監州南石港場在州北料角嘴東南餘東場在
 也利豐監州南石港場在州北料角嘴東南餘東場在
 州東九呂四場舊在州東
 十三里

如臯縣在州西四十五里

摩訶山

縣南百里大江中水勢湍激亦日蝦會盟原縣東
 縣南百里大江中水勢湍激亦日蝦會盟原縣東

相傳吳楚大江在縣南運河東南掘港在縣東百
 會盟處大江六十里運河東南掘港在縣東百
 至白蒲鎮而高陽蕩縣東南掘港在縣東百
 接通州運河高陽蕩縣東南掘港在縣東百
 四十里白蒲鎮縣東南掘港在縣東百
 里

道入犯撫臣李遂馳至如臯與賊遇於白蒲勒兵不戰
賊益進遂策之曰賊分道入過如臯必合則道有三
一自泰州通天長鳳陽犯皇陵一自黃橋過瓜儀搖南
都梗漕若自富安場而東海濱荒涼鹵掠無所得至廟
灣絕矣乃吾得地時也於是部諸將防過毋令得
過天長瓜儀而分兵綴賊後賊果走廟灣擊平之

泰興縣

州西百六十里西北至揚州府百四十里

泰興舊城

在縣治內西北四十里宋柴墟鎮建炎三年岳
塗炭惟縣有外蔽全活甚眾孤山縣東南七十里南枕

沙上是時金人陷揚州無險可恃退保柴墟渡百姓於
多初上大江舊在縣南三十餘里得勝河縣西四里相見灣
在城東俗謂之龍開河形委曲舟行雖
有先後至此則帆檣相望可呼而應也
十餘里黃橋縣東四里

海門廳

本通州東洲鎮五代周置海門縣元末圯于海
本朝乾隆年分通州境置海門廳

海門島

廳東南海中宋初犯死獲賞者多
隸登州沙門島及通州海門島

所出吳郡之於天下如家之有府庫人之有胸腹也門戶多虞而府庫無恙不可謂之窮四肢多病而胸腹猶充未可謂之困蓋三代以後東南之財力西北之甲兵並能爭雄於天下謂江淮以南必無與於天下之形勝者非通論也春秋之末吳始都於此東晉以後吳郡尤爲京畿重地蘇峻入建康郗鑒謂溫嶠宜先防東道斷賊糧運梁末齊兵入石頭韋載謂陳霸先齊若分兵先據三吳之路畧地東境則時事去矣宜急通東道轉輸分兵截彼之糧道蓋建康立國實以東南供億爲之咽喉也隋之取陳分遣諸道兵東西並進而特命一軍出東海指三吳以斷陳之糧

援於是陳亡不旋踵矣蓋得蘇州則三江五湖可以爲限不然錢塘其能一日安乎元并江南海道輓輸平江最爲繁富及張士誠竊之而運路中絕浙西爲賦財淵藪而吳郡又爲浙西都會天下大計安可不以吳郡爲先務哉蘇松喉吭皆在吳松江吳松江沿袤而南則自老鶴渚以至寶山南滙金山出江口迤邐而北則自採洵以至黃姚劉家河蘇江口而深入則南迤五十里卽爲黃浦直至上海蘇黃姚而登岸則嘉定太倉崑山蘇常連數百里是吳松江者南爲上海門戶西爲蘇常藩籬備吳松卽所以備上海卽所以備蘇常也而崇明一縣孤懸海中諸沙環之幾

三百里為諸郡外護此亦天設之險矣

吳縣附郭府

長洲縣附郭府

元和縣附郭府 本朝雍正

吳郡城今府城即虎丘山府西北七里一名海湧山遠望

邑川原瞭如指掌亦形勝處也明初常遇春攻蘇州軍

於此張士誠引兵出盤門欲奔遇春遇春與戰於北濠

又戰於山塘路狹士誠兵前後填塞遇春奮擊

敗之敵兵壅入沙盆潭溺死無算今皆在閶門外

山名踞湖山以臨太湖若箕踞也吳越錢氏建薦福

寺於山北因稱薦福山西北為姑蘇山其西為岷山花

園堯峯諸山其南為寶華諸山其東為吳山吳山之南

又有卑猶山吳山之東北曰楞伽山俗所稱上方山也

黃山在府西南十五里俗稱筆格山隋大業九年劉元

進等作亂為吐萬緒所敗自毘陵退保黃山既而王世

充敗元進於吳坑降眾於黃亭潤死者三萬餘人今山

之西有二石洞深可天平山昔翠峯環峙林巒泉石

三四丈俗名虎洞連接支隴曰金山茶塢山岩崿山

競秀爭奇其旁羣山又名若雄山天平之西又有

秦臺赤山諸山一名鶴阜山又名靈巖陽山一名秦餘杭山

山靈巖山在府西南二十五里以散卒三千擒夫差於

一名萬安山又名四飛山越王以爲即于隧又東北有白

干隧今山之別阜曰徐侯山一名卑猶天池山在府西去

陽山東南五里曰徐侯山一名卑猶天池山在府西去

亦曰花山又有就隱山龍池山支列山一名南姑蘇山

峯山俗名觀音山距天平山五里而近也

府西三十里一名姑餘山穹窿山太湖其頂方平廣可百畝

又有香山與穹窿相接白石山在光福山府西南五十

府西北三十二里本名胥女山在光福山府西南五十

方輿紀要簡覽 卷五 江南三 三 紅杏書屋

密之兵於包山府西南八十五里太湖中一名夫椒山
 烏墩光福包山隋兵擊擒之宋置州刺史蕭獻州一名夫椒山
 保於包山今謂之西洞庭山嘉靖三十四年倭賊自常
 熟突犯郡城婁門擁入接待寺奪火器官兵追之賊繇
 閩門奪舟入太湖泊洞庭山下尋復犯楓橋走常熟山
 亦名林屋山周迴百三十五里遙望一島而重岡復嶺
 茂林平野閭巷井舍不異市邑而尤名者曰林屋洞
 莫釐山亦在太湖中與包山並峙相去二十里一名胥
 州入太湖經洞庭山口趨湖州七誠太湖府西南三十
 兵不敢出禹期山洞庭之支嶺也太湖府西南三十
 界蘇常有吳三郡之中為往來石湖在府西南二十里
 徑道有事時必備之險也太湖在府西南二十里
 東入胥澹臺湖府西南十八里在太湖之北通橫塘
 門運河澹臺湖東麗山湖在府南二十里
 里嘉靖三十二年倭寇自崑山逸入境陽城湖府東北
 官兵敗之尹山湖濱墅湖亦曰獨樹湖
 上接吳淞江東流入崑山吳淞江入境婁江在今城東
 縣界沙湖一名金沙湖

婁門運河在府城西自吳江縣南黃天蕩在府東葑門
 外運河平望鎮接嘉興府界
 諸湖之流東滙為瀆墅諸湖又東接尹山湖亦曰皇天
 蕩唐楊行密救董昌遣兵與錢鏐兵戰於皇天蕩敗之
 進圍長蕩府西諸流多滙於此越來溪在府西南橫
 蘇州長蕩府西諸流多滙於此越來溪在府西南橫
 接許墅府西北三十里亦曰許市商民稠密為運道要
 散卒保蘇州與展兵戰於郁唐浦鎮府東二十五里自
 野敗奔杭州郁墅即許墅唐浦鎮府東二十五里自
 金雞堰又六里為斜塘營又東六里至唐浦乃吳淞江
 折而南處土壩在焉自此而東十五里為唐浦亦曰
 浦里與崑山縣接界唐浦設險所以遏寇從吳淞江突
 至之患也又周莊在府東五十里蔡亭鎮在府東三十
 里木瀆鎮府西南三十里近太湖口居民稠密問渡太
 金昌亭在閘楓橋在府西七里為水陸孔道商民錯聚
 直抵滅渡橋屯陳家莊官軍迫寶帶橋澹臺湖龐山湖
 之賊夜遁滅渡橋在府南十里

諸湖之口

吳江縣 府東南四十五里東北至松江府九十里南至

太湖 縣西二里浸淫數州問縣當其衝東

江嘉善縣分界鶯脰 唐家湖 縣南三十四里嘉靖三十

湖在縣南四十里 賊不得渡官兵進戰賊走平望舟欲渡官兵復截盛

賊斷其堤與 吳江 在縣東門外長橋下分太湖之流

亦曰 白蜆江 在縣東南四十里其西 運河 在縣東爛溪

松江 白蜆江 北與龍山諸湖相通 運河 在縣東爛溪

北接鶯脰湖 章練塘 縣東南 鮎魚口 縣北十八里

望鎮 縣南四十五里為控接嘉湖之要道宋德祐中以

張士誠以水師屯平望欲援 黎里鎮 縣東南

舊館常遇春出間襲敗之 黎里鎮 縣東南

震澤縣 府東四十五里 本朝

崑山縣 府東七十里東至太倉州三十五

新陽縣 本朝雍正二

婁城 在縣 信義廢縣 義村俗曰真義鎮 崑山 在縣治西

三里高 千墩 縣東南 運河 在城南舊 婁江 上流

縣界接陳湖及 澱山湖 縣東南八十里 陽城湖 縣西北

里 夏駕浦 縣東南 千墩浦 縣南四 七浦 縣西北

日七 大虞浦 在縣西 石浦鎮 縣東四十里南通澱山湖

鴉浦 在縣南九里

里泗橋鎮在縣東南四十里陸家墅在縣東南
三十里亦曰陸家浜路出青浦商民輻輳於此
縣西南三十六里

常熟縣 府北九十里東南至太倉州九十里西北至常
州府江陰縣百二十里西南至無錫縣百十里

常熟故縣 南虞山在縣治西北城之西北隅環其
四十里下臨大江形如覆釜亦名覆釜山與北岸通州

之狼山相值宋韓世忠控守福山以備金人海道之師
顧山 在縣西五十里俗名三界大江則揚州府之通州

也運河在縣南白泖港在縣東七十里吳中諸水北
縣東北福山港在縣北四里尚湖在縣西南華蕩在縣南十

七十里東南梅李鎮在縣東北三十六里臨梅李塘其地為
塘縣東南許浦之上游五代錢氏有蘇州遣其

將梅世忠李開山屯兵於此以防江唐聖縣東南三十里

昭文縣 府北九十里 本朝 雍正二年析常熟縣置

松江府 東至海岸百里西南至浙江嘉興府百二十里西北
至蘇州府百八十里北至 太倉州百三十五

里自府治至江甯府七百七
十里至京師三千四百里

禹貢揚州之域春秋時吳地後入越戰國屬楚五代秀州

元華亭府明松江府 本朝因之領縣七

府雄襟大海險扼三江引閩越之梯航控江淮之關鍵蓋

風帆出入瞬息千里而錢塘灌輸於南長淮揚子灌輸於

北與淞江之口皆輻列海濱互為形援津途不越數百里

間而利害所關且半天下然則郡豈可忽之地哉

華亭縣 附

方輿紀要簡覽

卷五

江南三

六

經書書屋

婁縣 附郭本華亭縣地今析置於府治東偏

華亭城 今府城 前京城 府東南八里 金山故城 府南八里 崑山

府西北二十三里其西為長谷亦曰華橫雲山 府西北

亭谷有水縈繞百餘里為湖之上源 鳳凰山 府北二里 澱山 府西北

北四十里 余山 府北十五里 鳳凰山 府北二里 澱山 府西北

金山 府東南羊山 在府境金山衛東海中山高大周七

湖可容海百里 吳淞江 府北七十四里 澱山湖 府西北七

數百艘 亦曰三柳 黃浦 府東南十八里 趙屯浦 府西北

大盈浦 府西北 顧會浦 府西北二里 盤龍浦 在崑子浦東

龍河沙滙 在府西北 秀州塘 俗呼官塘 新涇塘 府東八里 胥浦

塘 府南四里 鹽鐵塘 在府東南 朱涇 府西南二十里 張涇 在府南

鳳橋 府西北二里 朱涇鎮 府西南三 張堰鎮 府南六 沙岡鎮 在府東北

在府東百餘里 獨樹堡 在府南 柘林鎮 府東南七 亭林鎮 府東南

奉賢縣 府東九十里 本朝 上海縣 府東北九十里 西至青浦縣九十里 西北

滬瀆城 在縣東北晉隆安四年孫恩自海鹽進陷滬瀆殺

破茶山 在縣東南 海 縣東七 吳淞江 在縣北 黃浦 在縣東

也 下沙浦 縣東南 蒲滙塘 在縣西南 川沙堡 縣東南五

鹽商賈 下沙鎮 縣東南 周浦鎮 縣東南三十六 烏泥涇

鎮 縣西南二 輻輳 縣西南二

南匯縣 府東百二十里 本朝

青浦縣 府西北五十五里 東北至嘉定縣七十里 西南至吳江縣九十里 南至浙江嘉善縣八十里

青浦舊縣 在今縣東北三十里 故青龍鎮也 斡山 縣東二十七里 巖山 在縣東南

會浦 縣東二里 橫泖 在城 艾祁浦 縣東北二里 金澤塘 在縣

六里 金澤鎮 在縣西南 小蒸鎮 在縣西南 四十五里 三

黃渡鎮 縣東北 五里 金山縣 府東南七十二里 南瀕海與金山對峙 西連乍浦 東

金山縣 府東南七十二里 南瀕海與金山對峙 西連乍浦 東

浙直要衝 且與甯波定海關同為錢塘江鎖鑰 北之沙

湖杭三郡之門戶

常州府 東南至蘇州府百九十里 西南至廣德州二百八

禹貢揚州之域 春秋時吳地 後屬越 戰國屬楚 秦會稽郡

晉毘陵郡 晉陵郡 隋常州 宋常州 明常州府 本朝因

之領縣八

府北控長江 東連海道 川澤沃衍 物產阜繁 地居數郡之

中 翼帶金陵 為轉輸重地 脫有不虞 則京口之肘腋 疎而

吳郡之咽喉 絕昔者南唐守此 以禦吳 越明初得此 以制

姑蘇 郡豈非東南之襟要歟

武進縣 附郭本吳之延 陵邑季札所居

陽湖縣

附郭

三年析武進縣置

本朝雍正

武進故城

府西北七十里

蘭陵城

府西北六十里

姑幕城

府西南六十里

州

既又遣安仁義等

城

良自江陰取間道

亦在府東北三十五里

馬跡

亦在府東北三十五里

黃山

有小山

入江謂之吳尾

以羣山皆

此而盡也

自西來至大江

府北五

運河

在府城南

經無錫而西

過

府城

西接丹陽縣

烈塘河

府西

西蠡

名浦陽溪

呂城

凡二百餘里

芙蓉湖

府東

五十五里

陽湖

聖河

府東

芙蓉湖

府東

五十五里

陽湖

湖

府西南

孟瀆

府西

三十里

白鶴溪

東南百里太湖濱拒守處也五代梁開平二年淮南將

周本圍蘇州吳越將張仁保攻常州之東洲拔之淮南

將陳璋等馳救大破仁保於魚蕩復取東洲乾化三年

淮南攻吳越衣錦軍錢鏐遣子傳瓌將水軍攻東洲以

分其兵勢又貞明五年吳越錢傳瓌率舟師自東洲攻

淮南蓋吳越與淮南夾湖為守往往奔牛塘宋元凶邵

奔牛鎮之亂會稽太守隨王誕遣將劉季之等向建康

討邵邵遣燕欽等拒之相遇於曲阿橫林鎮府東南三

遊塘營攻常州敗張士誠兵於此慶亭府西五十里

既而峻將管商等來攻慶亭督護李閎等擊敗之隋開

皇十年江蘇亂楊素討之素將濟江使麥河莊府西北

鐵杖潛渡規賊至慶亭蓋自昔為控扼處河莊府西北

當孟河五牧橋府東南四十五里吳越錢鏐遣兵自江

江時元兵犯常州甚亟天祥使其將尹玉麻

士龍等赴援士龍戰虞橋玉戰五牧俱敗死

無錫縣 府東九十里西南至宜興縣百四十里東北至蘇州府九十里北至江陰縣九

泰伯城 縣東南三十里吳泰伯始國闔閭城 縣西四里慧山

越錢傅瓚攻淮南之常山亦名冠龍山朱梁貞明五年吳

又追敗之於山南即慧山之南也慧山獨山入縣西南十

泉為天下第二泉其東一峯謂之錫山

之脈南來軍將山屯兵於此以備吳越時安陽山縣北五

至是中斷芙蓉縣西北蠡湖縣東南運河在城雙

河在縣北望亭鎮縣南四十五里唐大順初孫儒作亂

錫望亭諸屯圍蘇州又光化初錢鏐將顧全武拔蘇州

追敗淮南將周本於望亭是也今為運道所經有望亭

堰潘封鎮縣西北八里

金匱縣 府東九十里本朝 雍正二年析無錫縣置

宜興縣 府南百二十里南至浙江長興縣百四十里西南至

陽羨城 在縣南君山縣西南三十里國山縣西南五十里

曰陞山煙山在縣西南二十五里香蘭山縣東南五十里

里十五章山縣西南六十里黃山亦曰芳巖相接者

登巒無際山縣西北張公洞在縣東南五里

昔飛崖絕壁惟北向太湖誠遣兵據宜興太祖命徐達

一竇可入最為奇勝太湖誠遣兵據宜興太祖命徐達

誠餉道所繇若斷其餉道破之必矣達奉命宜興果下

既而命將東伐亦自宜洮湖縣西北運河在城荆溪在

興取道太湖攻其湖洮湖縣西北運河在城荆溪在

南其在城西者亦曰西澗水俱流滙於西溪乃貫城繞

溧陽金壇并縣西諸山澗水俱流滙於西溪乃貫城繞

郭為東溪章溪縣西南七十里源出章山流經張渚鎮
以下太湖國山故城西又北入於荆溪
縣西南九十里湖沒鎮趙莊縣南三十里邊莊
在縣東南四十五里長橋縣

荆溪縣

府南百二十里
本朝

江陰縣

府東北九十里東至蘇州府常熟縣百二十里東南
至蘇州府百八十里北至靖江縣三十里西北至揚

暨陽廢縣

縣東四十里

君山

城北一里縣之主也突起平野俯
戰守要地北四里曰黃山楊吳時烽火之所山在西曰

馬鞍山北曰鵝鼻山凸出大江稱爲險要浮山在縣東
北大江中西臨石矸一香山縣東二十里梁貞明五年
名巫山爲江海門戶吳越攻常州徐溫率兵拒
之陳璋以舟師下海門出其後張可璋秦望山縣西南
以江陰兵從陳璋敗吳越兵於香灣

里明初遣兵取江陰張士誠據守於此以拒大江城北
王師諸將乘風雨奪其山進薄城西遂克之嘉二十七年

魏主燾南犯至瓜步建康震懼陳艦列營連亘江濱自
采石至暨陽六七百里五代時吳越淮南往往角逐於

皆軍江陰以備金人海道之師明初以江陰爲江津要
衝命將克江陰使吳良守之張士誠遂不能越江而有

江北亦不能沂運河在城橫河在城申浦縣西三石頭
江以窺金陵通州之狼山青賜鎮河所經濱江六射塚寨

江濱西十八里有弩臺蓋亦昔時守禦處
靖江縣府東北百十里東至海口六十里北至揚州府泰興

孤山縣東北二十五里舊在大江在縣東南縣居江海之交中流屹立實京口金

陵之鎖

鎮江府

東南至常州府百八十里西南至甯國府四百五十里西至江甯府二百里北渡江至揚州府五十里自府治至江甯府見上至京師二千三百里

禹貢揚州之域春秋時吳地後屬越戰國屬楚秦會稽郡

三國京口鎮宋南徐州南濟州隋延陵縣潤州唐丹陽郡

宋潤州鎮江元鎮江路明江淮府鎮江府 本朝因之

領縣四

府內控江湖北拒淮泗山川形勝自昔用武處也因山爲壘緣江爲境建業之有京口猶洛陽之有孟津自孫吳以

來東南有事必以京口爲襟要京口之防或疎建業之危立至六朝時以京口爲臺城門戶鎖鑰不可不重也桓元作亂劉裕舉兵京口晉室復定及裕代晉以京口要地去建康密邇非宗室近親不使居之蓋肘腋攸關隋之亡陳京口實爲兵鋒也唐之中葉以鎮海爲重鎮浙西安危係於潤州宋南渡以後常駐重軍於此昔人謂京口酒可飲兵可用而北府之兵爲天下雄蓋地勢然也然而陵谷之變今昔不同昔人謂采石渡江江面比瓜洲爲狹故繇采石濟者常居十而京口自唐以來沙洲日積江面南北相距僅七八里故昔日之采石比京口爲重而今日之京口

比采石為切消息之理也故江岸之防惟在京口而江中置防則圖山為最要云

丹徒縣 附郭本吳之朱方邑

京城 今府治春秋之朱方也左傳襄二十北固山在城北

治後下臨長江自晉吳句餘與之朱方北固山在城北

其或謂銀山在城西二里江口宋建安四年韓世忠屯

峴或謂銀山在城西二里江口宋建安四年韓世忠屯

世忠謂諸將曰是間形勢無如金山對岸龍王廟者寇

必登此觀我虛實乃遣兵伏廟中及岸側遣人乘舟望

之戒曰聞江中鼓聲而蒜山府西三岸上人多望

發賊果至擒其兩騎蒜山府西三岸上人多望

奄至丹徒樓船千艘鼓噪登蒜山劉金山一名浮玉里

裕率眾奔擊大破之恩狼須還船金山一名浮玉里

鎮江相持於天蕩世忠以海艦進泊金山山下命工銀

鐵相連為長纜貫以大鉤以授士之驍捷者敵舟至則

分爲兩道出其背每絕一縷則曳一敵舟沉之寇大窘

西去儀真縣高資港不過一縷則曳一敵舟沉之寇大窘

四十餘里實為中流之險焦山府東北九里江中與金

名譙山亦曰浮玉山劉宋元嘉中以魏人臨江嘗分兵

戍此唐時有譙山戍蓋焦與譙通稱也宋建炎中韓世

忠以八千人屯焦山以邀兀木渡江北歸之道巖洞參

差奇勝不一石公山在府東北八里瀕江與焦山對峙

元阿木登此以長山府南二十五里圖山府東北六十里

望宋軍處也長山府南二十五里圖山府東北六十里

三年金人治舟師欲繇海道窺浙遣韓世忠控守圖山

福山一帶德祐初張世傑敗績於焦山退泊圖山屹立

江濱江中有一路矢石可及况當江流自東而西而北轉

其間僅通一路矢石可及况當江流自東而西而北轉

兵水陸協守賊必不敢越此而西也大江府西北二十

江也亦漕河在城西二里自江口安港府東北八十

日京江府東南至城南水門凡九里安港府東北八十

豐湖府東南至城南水門凡九里安港府東北八十

里亦曰新豐塘潤浦亦曰東浦徐陵亭在府西南甘露

卷五 江南三 三 紅塔書屋

鎮 在城東北以近北丹徒鎮 府東十五里運道新豐鎮

府東南四十五里與新豐塘相近唐至德二載淮南諸

將討王永璘於丹陽軍於瓜步楊子別將趙侃等濟江

至新豐大高資鎮 府西五十里有高資港濱大江與儀

敗璘軍 真縣相接丁角鎮在府西南七十里

丹陽縣 府東南六十里東南至常州府百里西至

曲阿城 即今縣治古曰雲陽晉咸和三年郗鑒築曲阿壘

則舉兵犯建康前鋒奄至曲阿詔左與盛等拒之築壘

於曲阿長阿敬則急攻不能拔眾潰隋開皇九年伐陳

賀若弼拔京口長驅趨建康分兵斷曲阿之衝而入益

其地在武進丹徒句容三縣間分兵斷之則吳之兵

不能入救建康 延陵城 縣南三里 呂城 縣東南五十四里

且倚其後也 經山 縣東北三十五里九靈山 縣東北四十里九峯

岡 縣北二十五里亦曰大夾岡下陵口 在縣東三

臨運河故運河亦曰夾岡河也 大江

縣北五 練湖 在縣城北 運河 在城 九曲河 在縣北南接

十里 破岡瀆 在縣西南 長岡埭 在縣西南即破岡瀆中七埭之

舉兵西上過武進陵口曲阿令丘仲孚謂吏民曰賊乘

勝雖銳而烏合易離今若收船艦鑿長岡埭瀆水以

阻其路得留數日臺軍必至如此則大事濟矣敬則至

瀆水涸果頓兵不得進齊主遣左興盛等築壘於曲阿

長岡以拒之 白土鎮 縣西南五十里四十里至句 慶亭

敬則旋敗死 晉郗鑒築壘處

金壇縣 府南百三十里東至常州府百里東北至丹陽

茅山 縣西六十里西北至江甯府句容縣百二十里

詳見句容有龍尾山自大茅峯蜿蜒而下勢如龍尾今

溧陽縣 府東南二百四十里東至常州府宜興縣九十里

舊縣城 在縣治西北 永世城 縣南十五里劉宋晉安王子

應之兵至永世 平陵城 縣西北三十五里晉蘇峻之亂

宮省危懼即此 於平陵山是也 菱山 縣西六里東面石壁削成上

參軍李閔追斬之 山 縣東南五十里嘗產鐵今有坑冶遺址又東南八里

七十里有鐵冶山相傳前 伍牙山 在縣西南六十里相

代鑄錢處一名鐵峴山 伍牙山 傳伍子胥伐楚還建

牙旗於山上因名亦名護 伍牙山 在縣西南二十里有

兩山相拒如門又 瓦屋山 縣西北八十里山形連亘兩

山俗名了頭山北去句容七十餘里分界 岳山 縣東北

山在縣西北八十里山巔與溧水縣分界 岳山 縣東北

里洮湖之上宋德祐初蒙古陷建康轉運判官趙淮起

兵溧陽宜興間屯據岳山阻長蕩湖為固尋敗沒岳一

若偶讀 溧水 縣西北四十里即永陽江 長蕩湖 縣北二

名洮湖中有大浮山西南去縣四 黃山湖 在縣西三十

湖周五十里又三塔湖在縣西七十里 白雲溪 在縣

名梁成湖俗名三塔堰稍西南日昇平湖 白雲溪 在縣

多滙流於此清澈可鑿 水 百丈溝 在縣南三里一名百

之燕 廣通鎮 縣西百十里西北至高淳縣六十里為分

用唐孫儒圍楊行密於宣州行密將臺濛作魯陽五堰

河輕舸饋糧故得不困魯陽蓋五壩旁地名也宋時五

堰漸廢改為東西二壩壩卑薄水易泄故高淳無水患

而蘇常湖三州當太湖委流被害尤甚宜興進士單鏐

因議復築五堰阻上流諸水使不入荆溪下太湖蘇軾

險復胥溪河建石閘啟閉始蘇浙糧道自東壩入可避蘇

多集陶莊在縣北八十里宋末土人嘗築城於此亦曰周城

太倉州 府東一百五里東至海七十里南至松江

春秋時吳地後為越地戰國屬楚元崑山州明太倉州

本朝升為直隸州領縣四

州枕大海之濱控三江之口東翼吳郡南蔽雲間元人蘇

海道轉輸則劉河為津要明嘉靖中倭寇出沒州每當其

衝就東南言之州亦襟要之所矣

鎮洋縣 附郭 本朝雍正

太倉城 今州治相傳孫權都吳嘗置倉於此或曰權求好

倉元至元十七年宣慰朱瑄等議海漕置倉於此謂之東

太倉是時海外諸番亦俱集此貿易謂之六國馬頭至

正十三年臺州賊方國珍率海舟自劉河突犯州境殘

破乃立水軍萬戶府明年國珍復來犯副萬戶董博霄

敗之穿山 在州東北五十里山岡身 在城東南濱海之地

天所以限滄溟 劉河 在城南自崑 運河 在州西亦曰太

而全吳人也 顧浦 在州西南 楊林塘 在州西北二

塘也 七鴉浦 在州北三 顧浦 在州西南 楊林塘 在州西北二

流承七浦塘及 鹽鐵塘 在州北 海州 在州東七

巴城湖之流 雙鳳鎮 在州北二十四里一名雙林又北六

里鎮有 塗松岡 在州北二十四里一名雙林又北六

塗松岡 在州北二十四里一名雙林又北六

橋 崑山接境處也

崇明縣 州東百五十里西至 州府二

崇明舊城 在縣東北故崇明鎮也宋紹興初盜邵青聚黨

蛇山 在縣東海中相距約二百餘 蘇州洋 在縣北新河

在舊縣北 清潭港 在舊縣 施翹港 在今楊家港 在縣南

六十二里 楊家港 在縣南

方輿已亥卷五 江南三 十六 紅杏書屋

沙今縣治建於此旁連營前沙在縣北為大江平洋沙

在縣東南舊南沙與竹簿沙相接三沙在縣東北

嘉定縣州南三十六里西至蘇州府百四十里東逾海口

寶山縣東南東岡南在城海縣東四吳淞江十六里三白鶴江

縣西南四十三里自松大盈浦在縣西南五十里顧浦

在縣西南通吳淞練祁塘在縣橫瀝塘在縣鹽鐵塘在

西十顧涇港在縣東黃姚港在縣北趙涇在縣西南南

翔鎮縣南二十四里為商賈江灣鎮縣東南六十里其

入虬江因黃渡鎮縣西南三十六里安亭鎮在縣西南

水陸衝婁塘鎮縣北十滬濱壘志云在縣西四外岡鎮

寶山縣州東九十里 本朝 雍正二年析嘉定縣置

